

CIMELIA

0

677

Łaski

EPYSTOLÆ TRES

Basileae 1556



677

CIMELIA

S.W. 702

92  
100  
15  
86

EPISTOLAE  
tres lectu dignis-  
simæ,

DE RECTA ET LEGI-  
TIMA ECCLESiarVM BE-  
nè instituendarum ratio-  
ne ac modo:

AD POTENTISS. REGEM  
*Polonia, Senatvm, reliquosq̃*  
*Ordines:*

D. IOANNE A LASCO BA-  
rone Poloniæ, &c. autore.

BASILEAE, PER IOAN-  
nem Oporinum.

SACRA MAIESTAS RE-  
gia & Domine, Domine clementiss. perpetuam  
obseruantia & subiectionis mea com-  
mendationem.

**A**Vdiuimus iam pridem læta  
quædam nuncia, de cœpta &  
istic demum restitui (diuino  
beneficio) uera religione. Et  
quia multorum indies literis undecun-  
que confirmatur: quemadmodum sanè  
uera esse optamus, ita non prorsus uana  
etiam esse, in Domino, speramus. Quã-  
quam aut plura fortè dicatur, quàm fiât  
(id quod alioqui sæpenumero fieri so-  
let) tamen uel pro ipsis saltem eorū quæ  
dicuntur initijs, quantulacunq; ea sint,  
gratias Domino Deo nostro supplices  
agimus: tuæq; maiestati Regiæ, & toti  
adeo patriæ, eo ipso nomine, maiorem  
in modum gratulamur. Ac uotis arden-  
tissimis precamur, ut Deus opt. max.  
quod istic iam orsus est, uirtute porro  
gratiæq; sua diuina prosequi & cōstabi-  
lire dignetur: Amen. Ego sanè ubi hæc  
a 2 audissem,

Lim. O. 677

audissem, protinus mei officij esse putavi, ut te ad promouendam causam hanc, pro mea tenuitate, cohortarer: præsertim cum mihi qualemcunq; tuę erga me clemētię significationem abs te ipso datam haberē. Itaq; cum præ manibus haberem libellū, quem renascentis istic Euangelij initijs commodare posse uidebam, tuę illum Maiestati potissimum, totiq; simul patrię dedicandum esse iudicauī: eo quod in illo modus ipse & uniuersa planē ratio bene instituendarum Ecclesiarum contineatur. quę sanē res summē est necessaria, circa omnem religionis instaurationem: quę quidē diuturna ac legitima esse debeat. Spero autem non fore ingratum Maiestati tuę, si ad rem bene cœptam, tanto maiore studio promouendam inciteris: quanto plures te, hac in parte, monitores habere uideas. nimirum omnes intelligēt, multorum te admonitionibus impelli propemodum, ad prosequendam istic (post talia alioqui initalia) religionis restitutionem.

stitutionem. Et certē hoc tecum reputare debetis Rex clementiss. non esse tibi negligenter ac contemptim hoc habendum, quod sub tua nūc potissimum gubernatione, Christus Dominus in doctrina sui Euangelij istuc iam etiam aduētare uideatur. Horrēdum est haud dubiē, quod Christus Dominus, & quidem non sine lachrymis, sub Hierosolymorū nomine, omnib. denūciat, quicūq; tempus uisitationis suę obseruare nolunt: nempe abscondenda esse iam deinceps ab oculis eorum omnia, quę ad pacem ipsorum ullo planē modo poterant pertinere. Horrēdum hoc est (inquam) nisi si Christum Dominum ipsum in uerbis suis mēdacem facere uelimus. Tempus porrō uisitationis istiusmodi, graphicē nobis (ne quid hic obtendamus) descriptum habemus: nempe cum aduentanti Christo Domino, & à discipulorum suorum, & à puerorum, denique & à promiscuę etiam plebis turba (frustra reclamantibus Pharisæis) publicē

acclamari uideamus. Hęc enim talem publicam acclamationem gratulatoriam, hancq; publicam exultationem & lætiam, ad eam potissimum ipsam ( cuius hic Christus meminit ) uisitacionem pertinere, & prophetę alioqui, & Euāgelistę ipsi manifestè testantur. Cum igitur istic & discipulorum Christi qui in ministerio Euāgelij uersantur, & puerorum passim per uias publicas, & promiscuę præterea plebis turbas, ad Christi Domini, in doctrina Euāgelij sui, aduentantum, acclamationem gratulatoriam gestire quodammodo, ac tātum nō procurrere uides: dubitare profectō non debes, tempus iam uenisse, uestre istic etiam uisitacionis. Et proinde uobis pariter omnibus seriō obseruanda esse, quę ad pacem uestram, non equidem in Papę ullius Romani curia, sed in tremendo Dei ipsius iudicio (in quo Papas sanē omnes sisti oportebit) pertinere putatis: siquidem Christi Domini lachrymas, & horribilem illam pacis abscon-

sionem

sionem deriuare in uos nolitis. Vast namesq; illis, in quos lachrymę illę Christi Domini redundant: & qui non amplius quę ad pacem spectāt, uidere possunt. Ne igitur negligatis, tu, tuicq; omnes, tempus hoc uestre uisitacionis: ut cunq; hic uobis reclamēt ac fremant uestri Pharisei, sacerdotumq; principes. Alioqui cauete, ne si discipulorū Christi in eius Euāgelio, puerorū item ac plebis promiscuę acclamationem remorari (in Phariseorum gratiam) aut impedire quoquo modo uelit: cauete (inquam) ne uel muti inanimatiq; lapides, uobis inuisis, clament, in testimonium uestre ingratitude & condemnationis. Absit autem (Rex inclyte) ut tu maiorem istic Phariseorum, quā Christi Domini, rationem habere uelis. Cupiūt illi quidem uideri posse aliquid: & habent suas artes tuendi usurpatam tyrannidem, impediendiq; si quid in se statui uideant. Sed sibi ipsimet non constant: neque enim dubium est, inter ipsos latē.

re plerofq; Nicodemos, qui nō magno negocio ad Christum, uel noctu deduci possent, donec paulatim firmiores euaderent: si modò tyrannidē illam, è synagoga eijciendi, sublatam uiderent. Et ut nulli tales sint, atq; omnes planè ueluti cōiuratis animis Christo Domino reclamare conētur: nusquā sanè minus quàm istic, & uires, & artes ipsorū ualere possunt. tametsi in hoc tali aduentu Christi Dñi, nihil opus est alijs planè ullis aduersus istos cōsilijs: quàm ut uestrū quisque Christo Dño obuiam, certa fiducia, & cum publica gratulatione, pro uestre uocationis ratione, occurrat. tāta est uidelicet Christi Dñi, in regio aduētū ipsius, uis ac potētia, ad repurgandū templum ipsius: ut, etsi sacerdotū principes, scribæq; & Pharisei omnes, aduētui ipsius, quā antū omnino possūt, reclamēt, atq; à tēpli ipsum sui ingressu arcere modis omnib. conētur: ueniat tamē nihilominus ipse, tēplumq; ipsum, regia in illo autoritate sua, eiectis omnib. Pharisai

cis

cis nūdinationibus, prorsus repurget: et ad obturanda aduersariorū omniū ora, nō discipulorū modò, puerorūq; ac plebis promiscue turbas, sed ipsa quoq; saxa muta ac bruta animātia loqui & clamare faciat. Ne igitur te tuosq; moueant, aut uos ullo modo sollicitos habeant, opes, potētia atque artes aduersariorum istic Christi pariter omniū. Cōrtescere illos deniq; & cedere prorsus oportet Christo Dño: dum ille cum publico discipulorū, puerorū, ac turbæ applausu, ad repurgandū tēplum suum uenire dignat. Sed tuum erit, Rex clementiss. omnes ut regni tui portas aduentāti Dño gloriæ patēre, quod in te est, facias: illūq; iuxta doctrinā Propheticā, supplex exosculeris, in doctrina sui Euāgelij: cuius fulgorē alioqui palām exoriri ubiq; inuito ac reluctantante mūdo uniuerso, uidemus: ne quo modo fiat, ut ira ipsius aduersum te & regnū tuum, ueluti ignis flāma depascens omnia, exardescat. Tunc enim beatos fore pronūciat Propheta, nō equidē

a 5 eos

cos q̄ Phariseis Papis ue addicti, adeoq̄  
 & iurati essent: sed illos duntaxat, qui ue  
 ro Zionis regi, Christo in quā Dño, ue  
 ra minimeq̄ hypocritica fide atq̄ obser  
 uantia adhesissent. Horum te ita admo  
 nere uolui, Rex potentissime, pro fide  
 obseruatiāq̄ mea: qui tuā alioqui digni  
 tatem istā regiā, cum æterna salute ac re  
 gni cœlestis gloria coniunctā esse opta  
 rim: et ut Maiestatis tuę excellētia, à Pha  
 risæorum istic, indigna te profectò, tātò  
 Rege, tyrānide, semel aliquādo uindice  
 tur. Oro te autem, Rex clemētissime, ut  
 meum hoc studium, quo te in Dño pro  
 sequor, meamq̄ istā scribēdi libertatem  
 boni consulere, pro pietate ac clementia  
 tua Regia, & me gratia tua prosequi, pa  
 trocinioq̄ tuo tueri digneris. Deus opt.  
 max. adsit tibi Spiritu sancto suo, regat  
 consilia tua omnia, & omnib. tuis actio  
 nibus benedicat: Amen. Francforti, ult.  
 Decemb. 1555.

Tuæ Maiestati Regiæ  
 addictissimus:

Ioannes à Lasco.

*ILLUSTRES, MAGNI  
 fici & generosi Domini, D. ac Patroni sum  
 ma cum obseruantia colēdi: Gratiā uobis & pa  
 cem precor à Deo patre nostro, per unigenitū suū  
 filium Christum Iesum, in Spiritu S. u. regnum e  
 iusdem ipsius filij Dei in sacrosancti Euangely (sui  
 doctrina, hactenus istic per Antichristianam Pa  
 pismi tyrannidem obscurata, iam tandem inclare  
 scere, atq̄ etiam in omni pietate, iustitia & san  
 ctitate (quod in uobis est) fructificare faciatis: ad  
 gloriam adorandi nominis diuini, & uestram  
 pariter omnium, totiusq̄ adeò patrię salutem:  
 Amen. Hoc uobis, inquam, toto pectore precor:  
 & mea simul officia, si qua ullo modo in Domino  
 prestare queam, communi nostrę patrię, sub ue  
 stro nomine, reuerenter, ut debeo, sum  
 maq̄ fide mea commendo.*

**M**lrum id fortè quibusdam ui  
 deri poterit, alij uerò iniqui  
 us, opinor, etiam ferēt, quòd  
 ego, tot iam annos alioqui  
 peregrè atq̄ in silentio uersans, uestro  
 rumq̄ tanto iam tempore consiliorum  
 ignarus,



ignarus, scribēdi mihi ad uos prouinciā  
nūc demum sumere uoluerim. Sed ego  
eas mihi cōsiliū hic mei causas habere ui-  
deor, quæ apud uos præsertim, proque  
stra prudētia, & admirationē omnē tol-  
lere, & me ab omnibus etiā omniū ob-  
trectationibus facillē liberare possint.  
Quodq; ad meam in primis tantī iam  
temporis peregrinationem attinet, equi-  
dem uobis constare puto, me neque te-  
merē, neque ullo item patriæ nostræ aut  
cōtemptu, aut odio, sed grauissima cau-  
sa impulsus, meam hanc peregrinatio-  
nem instituisse, & hæcenus demū pro-  
sequutum esse, propter improba pror-  
sus planēq; Antichristiana Psychotyra-  
norū istic nostrorū præiudicia: de quib.  
sanē multis nunc agere, neq; est mei ad  
presens instituti. aliō enim specto, quā  
ut eam apud uos Camarinam moueam:  
& iam pridem alioqui statui, improbita-  
tem ipsorum patientia mea uincere. tan-  
tū id obiter attingere ita uolui, ut eo-  
rum calumnijs occurrerē, qui meam me  
peregrina-

peregrinationem nescio quo patriæ no-  
stræ contemptu atque odio instituisse  
fingunt. Mihi sanē neque contemptus  
patriæ ullus (cuius summa alioqui bene-  
ficia agnosco) neque odium item ullum,  
cum me ipsum illi, secundum Deum, de-  
bere ingenuē profitear, in causa fuit, ut  
peregrinationē meam instituerem: sed  
impietas ipsa atque abominatio in eo ui-  
tæ genere, in quo istic uersabar: in Papi-  
stico inquam sacerdotio, quo me libera-  
re non poterā, si istic manere uoluissē.  
Enimuero quā id ex diametro planē,  
& quidem multis nominibus, cum Chri-  
sti Domini summo alioqui & eterno sa-  
cerdotio pugnet omnino, neq; sine hor-  
ribili illius cōtumelia retineri possit (id  
quod sanē clarius est, quā ut uel nega-  
ri iam, uel etiam dissimulari possit) non  
amplius & ego in illo mihi hærendum  
esse existimaui. Quāquam autem hæc-  
enus corpore istinc abfui, animo tamē ac  
spiritu meo uobis, totiq; nostræ patriæ  
nunquam defui: memor uestri semper,  
in

in Ecclesiarū interea mihi cōcreditarum precibus, perpetuisq; semper suspirijs, si quādo Dominus gratiam suam adderet, ut propulsa & istic semel Antichristiana uētrispiritualium nostrorū tyrānide, lux tādem etiam Apostolicę atq; Euāgelicę doctrinæ uobis & toti simul patriæ adfulgeret. Agnouī publicè semper, ubi ubi uersatus sum, meum erga patriam debitum, in hunc usque diem: neq; ulli me usquam ministerio adstrinxi, quin semper patriam exceperim, si quando operam illa meam requireret, circa religionis potissimūm instaurationem. Testatus id sum disertè, id' que pluries, cū apud multos istic priuatim, tum uerò etiam apud maiestatem ipsam Regiā: que certè omnia luculētissima esse documenta arbitror, ut alia taceā, me quā lōgissimè proculdubio ab omni patriæ nostrę siue contemptu, siue odio, semper abfuisse: nisi quòd in mutando impio prorsus blasphemòq; uitaę meę genere, maiorem mihi rationem Dei quā patriæ

triæ habendam esse, non dubitauī. Porro quemadmodum Pharisaici mei instituti impietate adductus, peregrè hactenus uixi; ita sanè incredibili semper, audiēdi aliquid de ueræ istic religionis instauratione, desiderio tenebar: foelicem me uidelicet fore ratus, si quid huius ceritò alioquī audire possem. Cum igitur in meo pridem huc aduētū, non solum audissem, sed multorum etiā literis aliquid huius cōfirmatum accepissem: ingratus mihi planè erga Deū ipsum, erga patriā uerò negligēs atq; inofficiosus fore uidebar si nō gaudiū apud pios mei iudiciū istic publicū aliquod facerē, ipsiq; ad eō patrię nostrę publicè etiam gratularer. Obtulit se mihi autem non incommoda (meo quidem iudicio) utrunque id faciendi occasio. Apparabam libellum Ecclesiastici nostri in Anglia ministerij: quem istic quoque ad instituendum legitimum, ex uerbo Dei, in Ecclesijs ministerium, non inutilem fore iudicauī. Eum igitur toti nostræ patriæ, sub Regiæ

gię maiestatis, uestroq; pariter omnium nomine, dedicare uolui, ut & gaudium uobis meum attestarer: & toti etiam patrię nostrę, de tanto Dei beneficio publice gratularer. Quumq; sub Regio, uestroq; pariter omnium nomine proster: mei sanę id officij esse putau, ut uobis per me etiam, pro mea in uos obseruantia, mitteretur. Mitto itaque illum uobis. Et si quis id uel admiretur, uel etiam iniquius ferat: cogitabit, mihi pluris faciendum fuisse meum erga patriam debitum atq; officiu, quam pręposteram cuiusquam siue admirationę, siue etiam offensionem. tametsi uix credam offensus iri istic alium quenquam meo hoc in patriam officio, pręter Caiphā forte aliquos, aut si qui illis prorsus addicti sunt, ullo'ue alioqui uinculo ita obstricti, ut scenę ipsorum subseruire, ne dicam subparasitari, cogantur. Quorum interim omnium iudiciū quanti sit, in religionis potissimum causa, faciędum, uos ipsi, pro uestra prudentia, facillę uobiscum

biscū reputare potestis. Ego sanę taliū offensiones nihil moror: nedum ut propter illas meū erga patriam officium, si quod modō pręstare queam, pretermittere uelim. neq; dubito studiū hanc meū in patriam, meęq; in uos obseruantię testificationem, & uobis & pijs preterea istic omnibus, non ingratam fore. Iam uerō libellus ipse pro se loquetur, in dedicatoria ad uos epistola, & in ipsa item pręfatione: ut, hac quidem in parte, non magnopere mihi opus esse uideatur pluribus hic agere. Sed potius mihi uos admonendos esse puto (pro mea in uos & patriam nostram fide) & periculorum, quę uobis proculdubio sunt expectāda, si uestrum hic officium summa cura ac diligentia, pro uestra uirili, nō pręstetis: & uestri item officij, ad quem modum uobis pręstandum sit, si pericula omnia iam alioqui impędentia, & uos ipsi declinare, & patriam cōmunem nostram ab illis etiam liberare uelit. Postremō autem, resellam obiter ea quę ad impediendum

b diendum

gię  
nor  
uob  
tria  
blic  
stro  
mei  
per  
tia,  
bis.  
iniqu  
cien  
bitu  
cuiu  
offer  
sum  
in pa  
aliqu  
sunt.  
cti, u  
cam  
inter  
relig  
uos i

diendum cursum restituendæ uerę reli-  
gionis, istic potissimum proferri posse  
uidentur. Oro igitur, ut me, etiamsi pau-  
lo fortè sim prolixior, benignè interim  
audire ne grauemini: operamq; demum  
uestram in præstando uestro officio, se-  
dulò, pro uestra pietate, adhibeatis, ut  
uestram olim uocationem in Dei iudi-  
cio approbare possitis.

Nulla est uisa unquam in Dei popu-  
lo calamitas publica, nisi post uiolatas  
publicè etiam, aliqua saltem ex parte, pa-  
cti diuini leges: & habitas præterea pu-  
blicas rursus, easdemq; insignes uiola-  
tionis illius, ex uerbo Dei, reprehensio-  
nes atq; accusationes: adiunctis alioqui  
exhortationibus ad resipiscentiam, &  
pacti uiolati instaurationem. Neq; item  
uitari unquam potuit publica, eaq; gra-  
uissima calamitas, si quando habitæ de  
pacti diuini instauratione publicæ ad-  
monitiones, aut sunt contèptim reiectę:  
aut admisę quidem ac receptę, sed in eis  
amplectendis quiduis aliud est quęsitũ,  
quàm

quàm gloria & sanctificatio nominis  
diuini. Eius sanè utriusque rei tot sunt  
exempla in diuinis literis, ut totius Bi-  
blicæ scripturæ testimonio doceamur,  
esse indubitato expectandam ei genti  
grauissimam calamitatem publicã, ne  
dicam interitum, in qua auditas publi-  
cè, præter solitũ, peccati illius reprehën-  
siones, habitasq; publicè etiam de am-  
plectenda uerbi diuini obedientia ad-  
monitiones, aut contèptim reiectas  
interim, aut per hypocrisim negligenter  
ue receptas fuisse constet. Itidem uerò  
& nostro hoc iam tẽpore re ipsa ex-  
perimur, siquidem propius paulo intue-  
ri omnia uelimus. nimirum nusquã non  
uarijs plagis afflicta esse ea loca uide-  
mus (iusto haud dubiè iudicio Dei) qui-  
bus doctrinæ Euangelicæ lucem publi-  
cè affulsisse, interim uerò aut reiectã, aut  
secus quàm par erat receptam esse sci-  
mus. Atque est quidem odiosa nostri  
nunc temporis exemplorum cõmemo-  
ratio: sed non ideo tamen efficitur, non  
b 2 esse

esse uerum, eo quòd tantopere inuisa ha-  
 beatur. Quòd si patriæ quoque nostræ  
 faciem, ut nunc est, paululum obserue-  
 mus, certè nullis unquam nostris histo-  
 rijs proditum cõperiemus, ab ipsa usq̃  
 gentis nostræ (nobis alioqui cognita)  
 origine, auditam istic esse eiusmodi, qua-  
 lis iam passim auditur, uel abominatio-  
 nis in Papismo Antichristianæ accusa-  
 tionem, uel ad lucem uerbi Diuini am-  
 plectendam exhortationem. Vt negari  
 profectò non possit, præter solitum id  
 nũc istic fieri, & peculiari proculdubio,  
 planèq̃ admirãdo opere Dei: cuius alio-  
 qui uim ac potentiam ita sanè toto iam  
 ferè Christiano (ut uocant) orbe incla-  
 ruisse uidemus (& quidem frustra reni-  
 tentibus omnibus Papisticę tyrannidis  
 coryphæis, propugnatoribus ac patro-  
 nis) ut ipsimet Papistici sacerdotij unà  
 collecti Principes omnes, ipsèq̃ ad eò  
 summus ille creator ipsorum Papa (in-  
 uiti quidem, sed luce inuicta ueritatis E-  
 uangelicę compulsi) fateri omnino cog-  
 rantur,

gantur, necessariam modis omnib. esse  
 religionis in Ecclesia reformationem,  
 etiam si suum adhuc ingenium in eo pro-  
 dant, quòd eam ipsam religionis instau-  
 rationem ipsi soli instituere, pro suo ar-  
 bitrio, et moderari uolunt. Perinde atq̃  
 si infectis morbo ouilibus, lupi quoque,  
 ut suum dissimulent ingeniũ, remedium  
 quidem ouibus aliquod adhibendũ esse  
 agnoscant: sed sibi duntaxat omnem o-  
 uium curam, submotis canibus omnib.  
 committendam esse clament. Præclarè  
 scilicet prospectum iri ouibus, quę curę  
 luporum committerentur. At uerò lu-  
 pi nunc cum suis conuenticulis ualeant.  
 Nos opus ipsum Dei, quod in restituen-  
 da Euangelij sui luce palàm cernimus,  
 pro eo ac debemus, obseruemus, ne in-  
 ter contemptores olim diuinorum be-  
 neficiorũ numeremur. Præsertim dum  
 Antichristianam Papismi tyrannidem,  
 hæctenus sanè pro numine ipso habitã,  
 aduersus quam uidelicet ne mutire qui-  
 dem licebat, iam interim per doctrinam

Euangelij momento ferè tēporis, sit Do-  
 mino gratia, in lucem ita productam, &  
 latriæ item atq; abominationis in illa ba-  
 rathrum, ueluti digitis quodāmodo, ita  
 commonstratū esse, magisq; ac magis in  
 dies adhuc commonstrari uidemus, ut  
 uel à pueris etiam agnosci paruo nego-  
 cio possit. Equidē Christus ipsemet Do-  
 minus iam olim prædixit, fore, ut ante se-  
 culi consummationem, aduētumq; rur-  
 sus suum in doctrina sui Euāgelij, ueluti  
 postliminio, prædicetur, ac tubæ instar  
 sonet apud omnes gentes, ad cōuincen-  
 dam illarū impietatē: quatenus sanè de-  
 nuò sic prædicata, passim nihilominus  
 aut reijcienda prorsus, aut certè per hy-  
 pocrisim negligenter ue recipiēda esset.  
 Huc enim spectare uidetur, quod ait,  
 Prædicandū esse in testimoniū omnibus  
 gentib. siue aduersus omnes gētes, quē-  
 admodum sese ipsemet alibi exponit.  
 Atq; alibi rursus, uix se ullā in terris fi-  
 dem, ubi aduenerit, reperturum esse te-  
 statur: etiamsi prædixerit, Euangelium  
 denuò

denuò ante suum aduētum prædicādum  
 esse, & quidē omnib. gentibus, ne quis  
 quam hic ullas omnino excusationes  
 obtendat. nimirum ad quem modū sub  
 priore olim illa, per Apostolos, Euāge-  
 lij prædicatione ingens omniū gentium  
 concursus erat ad amplectēdam magno  
 cum fructu salutarem doctrinam illius:  
 ita sub extrema hac rursus, nostro tem-  
 pore, illius repetitione, pios quidem in  
 fide confirmari necesse est, ad perferen-  
 dam tyrannidis Antichristianæ (nūc sanè  
 ut nunquam antea grassantem) truculen-  
 tiam, quorum interim præ alijs exiguus  
 admodum numerus est futurus: rebellis  
 uerò impiorum contemptus, fucus item  
 hypocritarū omnium patefiet, ad ponē-  
 dam illis ob oculos iustā impietatis tan-  
 dem ipsorum condemnationem. Atque  
 sanè res ipsa loquitur, quā sit exiguus  
 hoc tempore numerus eorum, qui tubæ  
 Euangelicæ clangorē, iam denuò passim  
 alioqui sonantem (præ alijs) amplectan-  
 tur: multos autem, qui illum auersantur

planè, ac reſciunt. Et inter eos ipſos ru-  
rum qui illius ſtudiũ præ ſe ferunt, quàm  
pauci ſint etiam, qui in eo amplectendo,  
non tam quæ ſua ipſorum ſunt querant,  
quàm quæ Ieſu Chriſti, ut Pauli uerbis  
loquar. Alioqui undè nam tot plagæ  
Dei, quibus nunc plena ubique omnia  
eſſe uidemus? Et quidẽ ihs potiſſimum  
locis, qui de recepta publicè doctrina  
Euangelij glorientur? Equidem Deus  
uerbi ſui obedientiam, illiusq; ſtudium  
remuneratur, non punit, publica præ-  
fertim patriæ totiùs calamitate. Sed quo-  
niam maiore multo cõtumelia afficitur,  
ſi diuini ſui nominis autoritatẽ noſtris  
ipſi uicijſ, prauisq; affectibus, per hy-  
pocriſim, obtendamus, quàm ſi manife-  
ſtè doctrinam ipſius, humani quodam  
iudicij errore à nobis reſciamus: nihil  
fanè mirum eſt, grauioreſ Dei plagas  
ſubinde cõſpici, ubi aut per hypocriſim,  
aut etiam negligenter eſt recepta publi-  
cè Euangelij doctrina: quàm ubi palàm  
errore iudicij, ut dictũ eſt, reiectam eſſe  
conſtat.

conſtat. Poſteaquam igitur tube iſtius  
Euangelicæ clangor iſtic quoq; apud uos  
ita iam inſonuit, ut non à uerbi miniſtris  
modo, iſdemq; plurimis, & promiſcuæ  
item plebis multitudine, ſed ab uniuer-  
ſo propemodum etiam uirorum nobi-  
lium ordine, religionis inſtauratio ipſa  
publicè, iuxta uerbum Dei, flagitetur:  
cogitare profectò debetis, diligenter uo-  
bis tube huic (ita alioqui ſonanti) auſcul-  
tandum eſſe: & cauendum, ne ueſtra po-  
tiſſimum culpa fiat, ut quod uobis gra-  
tuito Dei beneficio ad ueſtram ipſorum  
& totiùs adeò patriæ ſalutem offertur,  
quod ad Deum quidem attinet, id de-  
mum cedat, per ueſtrã ingratiudinẽ,  
ad ueſtram ipſorum & totiùs patriæ ca-  
lamitatem. In uobis nanque id eſt in pri-  
mis poſitum, ſi, dum publicis iſtic regni  
totiùs cõſilijs, pro ueſtre uocationis præ-  
rogatiua præeſtis, diuine uos hic uolun-  
tati, in Senatorio cõtatu ueſtro haud ſe-  
gniter accommodetis: maioremq; Dei  
uobis hic, quàm hominum rationem, in

ferendis uestris suffragijs, habēdam esse statuatis: ac Regiæ maiestati, ut idem faciat, sedulo ac cōsentienter omnes auctores sitis. Id equidem si præstetis (quem admodum opto ac spero, & à Deo uobis etiam supplex uotis omnib. precor) tum sanè fidē, ante omnia uestræ uocationis Domino Deo, p̄isq; ubilibet omnib. approbabitis: publicā item calamitatē istic & à uobis ipsis, & à patria tota depelletis: & gternā præterea nominis uestri memoriā ad omnē posteritatem trāsmittetis. Sin minus, tū certè & apud Deū in eius iudicio, & apud p̄ios ubiq; omnes fidē uestræ uocationis multis nominibus grauabitis: uestra itē culpa publicam & uobis ipsis, & toti patrię calamitatem accersetis: atq; æternā insuper etiam nomini uestro notam apud omnē uestrā posteritatē inuretis. Certè id uobis persuasissimū habere debetis, tubæ hūc apud uos Euāgelicæ iam clāgorem, quē alioqui, etiā si maximè uelitis, dissimulare nō potestis, certissimū esse prodromum

dromū istic grauissimæ alicuius calamitatis publicę, ne quid grauius dicā, siquidem uestrū hic officiū aut nō præstetis: aut etiā, quā par est, negligentius præstetis. Ne uerò hæc ex meo ipsius cerebro profecta esse putetis, horū uobis omnium prænunciū cōmonstrabo, haudquaquā alioqui mēdacem: Regiū in quā prophetā illum Dauidem, cuius doctrina, hac in parte, utinā tam diligenter obseruetur, quā frequēter in templis decātari, passimq; demurmurari cōsueuit, Is nanq; utrunq; id complectitur secundo Psalmo suo, quod mihi apud uos ego tractandum suscepi: nempe ut periculorum magnitudinem illis exponat, qui inclarescenti regno Christi, in doctrina sui Euangeliij, reniti ac reclamare conantur: & officium eis ipsorum commonstret, siquidem mala quæ ibi recēsentur declinare uelint. Scribit autē de Regib. Propheta, & ijs qui Regum consilia ac iudicia gubernant: ut quę illic dicuntur, ad uos haud dubiè etiam, qui in senatu

Regio



Regio estis, intelligatis pertinere. Et scribit, tanquam rem ipsemet presentem intueretur, quæ tamen multo post illum tempore futura erat: ut ostendat, tam uera fore quæ prædicit, quam uera esse scimus, quæ oculis ipsi nostris subiecta habemus. Hic igitur Prophetæ doctrinam paululum obseruemus.

Dicturus de regni Christi illustratione in sua ecclesia Propheta, quod uidelicet per doctrinæ Apostolicæ ministeriū toto orbe terrarū promouendū erat, regū nobis mundi huius, procerumq; regionum, nisi spiritu Dei regatur, ingenium, consilia atq; apparatus, more ac spiritu prophetico, ante omnia describit. Mox horribilem illorum finem recēset, siquidem in suo ingenio, suisq; consilijs atq; apparatus perseverare pergāt. Postea ad resipiscētiam eos hortatur, & partes officij ipsorum commemorat. Ad extremum uero causas reddit suæ illius ad Reges exhortationis. Primum igitur docet eiusmodi

eiusmodi ferè esse ingenium Regū mundi, quod in ipsis est, omnium, præterquā si diuinitus aliter instituantur: ac proinde procerum quoq; illorum omnium, qui eorum consilia, iuxta morem mūdi huius, moderantur: ut regnum Christi Domini, inuisum sibi planè habeāt, neq; ullo modo ferendum esse putent, atq; ita continuo illos offendi, planeq; commoueri: deniq; & consilia aduersus Christum Dominum agitare, & apparatus nescio quos facere: simul atq; commendari, illustrari ue per doctrinam Euangelij, uident ullo modo, uim, dignitatem atq; excellentiam regni ipsius. Ea uidelicet est humani iudicij, quæadmodum in alijs rebus omnibus, ita & in Regiæ, aut politicæ, cuiusuis alterius functionis corruptela: ut Reges potissimum ipsi, eorumq; proceres, ad dominatum se eorum quibus præsunt, natos aut uocatos esse putent, non autē ad Dei inter illos ministerium. Dum itaq; de regno Christi audiunt, illudq; inclarescere uident, quicquid

quicquid Christo tribuitur, id totum sibi detrahi atque eripi putant. Et quoniam Christo Domino, omnes totius orbis terrarum gētes in possessionem, adeoq; & hæreditatem æternam à Deo patre cœlesti traditas esse audiunt, suum sibi in regna sua ius adimi imaginantur: ideoq; illum in doctrina ac ministris ipsius aut perdere omnino, si queant, aut regnis suis alioqui arcere, aut nomen saltem illius alendis suis uitijs obtēdere conantur. Tale inquam ingenium Regum in mundo hoc, & eorum procerum, describit Propheta: & describit cum pathetica quadam admiratione atq; expostulatione: ut ostēdat, quàm preposterè id ita à Regibus fiat: & quàm longè hic absint à legitima præcellentis alioqui uocationis suæ, à Deo ordinatæ, functione. Deinde uerò exponit Propheta, qualia sint talium Regum, quæ inter se agitant, consilia: & quales item, quos adornant, apparatus, nempe uideri quidem & Regibus ipsis, & eorum pro-

ceribus,

ceribus, consilia, hac in parte, ipsorum ualde speciosa, efficacia, atque omnis humanæ prudentiæ modis omnibus plena: apparatus item ipsorum planè inuictos: ut cum sine Conciliorum autoritate, uel propinquorum Principum assensu, nihil hic sibi aggrediendum putant: & mutuis sese foederibus in hoc inuicem alstringunt, ut tanto maiore uir atque apparatus, si quid esset agendum, una & coniuncti agant, una que sustineant, quicquid omnino sustinendum esset. Quis enim non melius, prudentiusq; multo esse dicat, publicam universalis toto Christiano (ut uocant) orbe Concilij autoritatem in cōsiliū adhibere, quàm priuata unius alicuius Regis cū suo senatu autoritate, nouationes in religiōe instituere? quis item nō multo consultius esse affirmet, aliorū quoq; auxilijs communiri, quicquid omnino aut agendū, aut sustinendū quoquo modo esset, quàm ut solus quispiā cum suis duntaxat temerè sese omnibus periculis exponat?

exponat: Hæc igitur ac similia huma-  
næ prudentiæ consilia, Regibus quidem  
ipsis, eorumq; proceribus uideri haud  
dubiè præclara, solida, omniumq; tutis-  
sima: cæterùm in conspectu Dei, quem  
nihil latere potest, esse uana omnino, at-  
que adeò uanitatem ipsam, si diuinæ il-  
lius uoluntati ac potentiæ opponantur.  
Ad hæc ridicula etiam, ut quæ non ali-  
ter ab illis instituātur, quàm si cum Deo  
in terris hic duntaxat uersante, humanis  
consilijs ac uiribus certādum esset: cum  
ille pugillo suo & coelum & terram con-  
tineat: & collocata in coelis, imò supra  
coelos omnes Maiestatis suæ sede, hu-  
manas istiusmodi & consiliorum & ap-  
paratuū uanitates omnes, è sublimi de-  
rideat, risuq; ac subsannationi omnium  
etiam exponat. Præterea eiusmodi quo-  
que esse coram oculis Dei, quod multo  
est grauius, ut Deū ipsum ad iracundiā  
adeò prouocet: ut tum demum potissi-  
mum grauissimè incādescat, omniumq;  
seuerissimè illos alloquatur, denique &  
disturbet

disturbet eos omnino in suo furore, cū  
sibi illi omnium optimè à periculis om-  
nibus cauisse consiliorum suorum indu-  
stria, omniq; apparatus genere instru-  
ctissimi esse uidentur. Suntq; hic uobis  
obseruandæ tēporis particulæ illæ, quas  
non temerè alioqui Propheta adhibet,  
dum ait: T V N C loquetur: Nunc sapite  
ō Reges: repente exardescet ira eius. ut  
intelligamus, in foribus iam adesse cala-  
mitatem publicam, ac uindictam Dei,  
quoties à Christo Domino regni sui sce-  
ptrum alicubi in doctrina sui Euangelijs  
per eius ministros publicè proferri, &  
aduersus illud nihilominus agitari con-  
silia, apparatusq; fieri uidemus. Descri-  
bit præterea iræ huius diuinæ ac plaga-  
rum magnitudinem Propheta, quas ta-  
libus Regibus expectādas omnino esse  
prædicat: nempe ita accensum iri furo-  
rem Domini, ad disturbādos istiusmo-  
di Reges in omnibus cōsilijs atq; appa-  
ratibus ipsorum, ut ferro sit ipsos inua-  
surus, atque in puluerem, ueluti fictilia,  
e redactos,

redactos, pedibus omnium subiecturus, sicque demum omnem uiam eorum ad interitum extremum deducturus. Hec uero omnia repente super illos uentura esse, ne se longa adhuc malorum istiusmodi expectatione solari ullo modo possint. Repente enim, & sine spe ueniae ulla, exarsuram esse diuini aduersus illos furoris uehementiam: haud aliter quam grauissimam alicuius incendij flammam, qua unico propemodum temporis momento & erumpit inopinatum, & obuia simul omnia depascitur atque absumit. An uero non est horribilis haec talis diuinae seueritatis descriptio? Equidem fieri non potest, quin illa moueatur, quisquis doctrinam Prophetica ueram esse, atque a diuino illo adorandoque Spiritu omnis ueritatis profectam esse, ex animo credit. Ac rursus fieri non potest, ut quisquam Deo Spiritui sancto, per Prophetas loquenti, credat, qui non se in corde suo moueri sentiat, tam horribili seueritatis descriptione, aduersus

uersus Christi Domini, regni que sui, per doctrinam Euangelij inclarescentis, aduersarios & contemptores. Certè Propheta ipsemet, atque idem Rex etiam, dum hanc ita horribilem ac repentinam uindictae diuinae seueritatem, tanquam praesentem, spiritu Prophetico intuetur, adeoque illa commouetur, ut uersa protinus ad alios Reges (functionis uidelicet suae collegas) oratione, atque sub Regum nomine ad eos omnes qui in gubernationis politicae parte aliqua quoquo modo uersantur, grauitè illos ipsorum officij admoneat: certissimum illis, prorsusque formidabile interitum denuncians, nisi resipiscere uelint. Quid? quod Christus ipsemet Dominus, hoc ipsum nobis etiam parabolica similitudine aperitissime confirmat? dum eos sine discrimine, omnes, qui ipsum super se regnare noluerunt, in conspectum suum adducendos, ubi è longinqua regione sua redierit, atque coram sua facie, sine spe ueniae ulla, obtruncandos esse affirmat? Cum enim sit

parabolica tota illa Christi Domini narratio, nihil sanè ob stare potest, quo minus reditum illum è longinqua regione, parabolicè etiam interpretemur: siue illum de extremo illo suo ad iudicium reditu, in glorioso demùm corpore suo: siue etiam de restituendo, ueluti postliminio, doctrinæ suæ splendore, per singularem Spiritus sui uirtutem ac potentiam, & proinde ueluti per suam quandam præsentiam intelligamus: atque ita cõfirmari planè dicamus, horrèdam illam seueritatis diuinæ à Propheta adumbratam faciem, aduersus eos omnes qui in hoc consilia sua agitāt omnia, ut Christi Domini & Apostolorum iugum abñciant atque aboleant: parabolica hac Christi Domini, de ijs qui ipsum super se regnare noluerunt, doctrina ac narratione. Quare cum negare nō possitis, uiri præstantiss. hæc ad uos etiam, pro ratione uestre (ut dictum est) uocationis, secundum Reges ipsos pertinere: etiam atque etiam profectò cauendum uobis erit, ne qua

qua culpa uestra fiat, ut aliquā eiusmodi calamitatem, qualem & à Propheta, & à Christo Domino ipsomet prædictā uidetis, primum Regiæ maiestati, uobisq; pariter omnibus, deinde toti etiā patriæ, consilijs uestris accersatis. Cauere autē poteritis, si officium uestrum, in cœtu uestro Senatorio, ad quē modum à Propheta est præscriptum, pro uestra summa uirili faciatis. Quemadmodum enim calamitatis magnitudinem grauius uobis ob oculos uestros positam habetis, si Christi Domini regnum in doctrina sui Euangelij remorari, impedireq; aut ullo modo obscurare conemini: ita etiā officij rursus uestri partes uobis idem ipse Propheta exponit, ut eam ipsam calamitatē & ipsi alioqui declinare, & à tota patria auertere possitis: siquidem Prophetæ, aut uerius Spiritus sancti cõsiliū, per Prophetam loquentis, audire & sequi uelitis. Duo sunt autē præcipua, quæ Propheta & in Regib. ipsis, & in illorū proceribus omnib. qui

uel cōsilijs, uel iudicijs publicis præsunt, requirit. alterum, ut erudiantur, atque ita demum sapiant: alterum, ut id protinus, & sine mora, causatione ue ulla faciant. Nunc iam igitur sapite, inquit, o reges: erudimini o præsides terræ. Quid uerò, desipiunt ne Reges, & inscitiae proceres illorum accusantur omnes, nisi Prophetæ hic doctrinam audiant ac sequantur? Equidem qui uerbis hisce offenduntur, non mecum, sed cum Propheta ipso expostulare debent. Quorsum enim aut sapere denuò, qui per se alioqui sapiant: aut qui eruditione pollēt, denuò etiam, & quidem protinus, erudiri iubentur? id que proposito horribili ac repentino, nisi id faciant, interitu ipsorum? Quali acunquē igitur, & undecunquē petita consilia, stultitiæ hic atque inscitie damnari uerbis Prophetæ, uidemus, si cum tradita per ipsum doctrina consistere non queant. Orditur ergo suam ad Reges, eorumque proceres admonitionem: ut

abiectis

abiectis omnibus humanæ, iuxta mundum, sapientiæ consilijs, ad eam solam que ex Deo est sapientiam, animos suos adijciant: hanc unam quærant, in hac se erudiri patiantur, iuxta hanc sua instituant omnia, atque ab illa se dimoueri non sinant: præsertim uerò, dum Christi regnum in doctrina sui Evangelij inclarescere uident: ne & sibi ipsimet, & suis omnibus repentinum interitum accersant. Recenset autem diuinæ huius sapientiæ officia ac fructus: ut illorum iudicijs, ueluti notis quibusdam, & sentiri intra nos ipsos, conscientie nostræ testimonio, & ab alijs etiam agnosci facilius possit. Atque a libi quidem initium huius sapientiæ facit, timorem Domini: & eam constare potissimum docet, diligenti mandatorum Dei custodia ac obseruatione. Hic uerò paulo clarius id ipsum explicat: rationem que eius ipsius timoris in hac sapientia, Regibus potissimum, eorumque proceribus aliquanto plenius

exponit: ut qui nobis Dei in terris imaginem quandam præcellēti sua uocatione quàm proximè referunt, ab ihs etiam Dei filius quàm officiosissimè colatur. Docet igitur, in diuina hac sapientia timorem quidem requiri, sed esse peculiare quoddam eius timoris genus: nempe non quo sibi aut hostes ab hostibus, aut ciues à tyrannis suis metuunt (longè enim à Christo Domino, filio Dei uiui, absunt hostilia tyrannicæq; omnia) sed quem clientes patronis, boni item serui dominis, & liberi parentibus suis ultro se debere agnoscunt. Hostilis ac tyrannicus ille timor, cum odio semper, animorumq; alienatione quadam est coniunctus: id quod alioqui uox illa tyrannica, Oderint dum metuant, palàm testatur. Hic uerò quem Propheta nobis cōmendat, ab amore atq; obseruātia proficiscitur, obsequendiq; studium ac sollicitudinem quandam in nobis gignit: ne quo modo eos, quibus eiusmodi timorem ultrò nos debere agnoscimus, nostra

nostra siue imprudentia, siue negligentia offendamus: sed potius illis placere, gratificari atque obsequi modis omnib. pro nostra uirili, studeamus: & in nostra nobis ipsi, hac in parte, tum imprudentia, tum insufficientia (ne quid de negligentia dicam) displiceamus. ita tamē, ut certissimam ueniæ spem, nobis quidem diffisi, sed eorum quos ita reueremur benignitate confisi, semper retineamus. Hunc sanè talem erga Christum Dominum timorem requirit Propheta in ea sapientia, ad quā hic Reges proceresq; illorū omnes exhortatur, si quādo inclarescere uideant regnum ipsius. Seruite, inquit, Domino in timore. Estq; hæc prima timoris eius nota, quem Propheta in diuina hac sapientia requirit: ac primus etiam sapientiæ gradus, ad quam Reges proceresq; omnes cohortatur. Quia uerò in hostili illo, aut tyrannico metu, simulari non raro potest, seruiēdi hoc studium: ad quem modum Herodes illud, post natum Christum

Dominum apud Magos insidiosè simu-  
 labat: addit & alteram timoris huius no-  
 tam Propheta, quæ in hostilem tyranni-  
 cum'ue metum illum cadere nullo mo-  
 do potest, animi uidelicet gaudium at-  
 que exultationem. Quis enim secundis  
 hostium tyrannorum'ue rebus, non po-  
 tius perturbetur quàm lætetur, etiam-  
 si nonnunquam lætitiã simulemus?  
 quæ tamen ita simulari nunquam po-  
 test, quin sese fucus hypocrifeos alicubi  
 prodat. Eius rei præclarum in eo ipso  
 Herode, cuius iam meminimus, exem-  
 plum habemus. is ubi Christum Domi-  
 num natũ esse audisset, conatus est qui-  
 dem & ipse simulare magnam lætitiã  
 apud Magos, dum se quoque ad ado-  
 randum illum uenire uelle profiteretur:  
 ac proinde accuratè perquiri omnia, si-  
 bi'que demum renunciari iubet. sed re-  
 uera, audito de regno Christi uixdum  
 nati nuncio, grauissimè unà cum suis  
 proceribus, tota'que adeo Hierosoly-  
 morum urbe perturbatur, atque edita  
 demum

demum plus quàm beluina in infantes  
 sæuitia, impietatem suam prodit. Eum  
 igitur timorem requirit Propheta in  
 hac, quam Regibus commendat, sapier-  
 tia: qui non studium modò placendi  
 gratificandi'q; atque obsequendi Chri-  
 sto Domino, in promouendo regno i-  
 psius, sollicitudinem'que item ne quo  
 modo offendantur, sed etiam gaudium  
 animi atq; exultationem sibi adiunctam  
 habeat, si quãdo regnum ipsius inclare-  
 scere ac promoueri contingat. Quod e-  
 quidẽ cum fieri nõ possit, nisi si quem ti-  
 memus, eundẽ quoq; pariter amemus  
 equidem dum Propheta in ea, ad quam  
 Reges cohortatur, sapientia, eiusmodi  
 timorem requirit, eadem sanè opera &  
 amorem Christi Domini requirit: cur-  
 talis timor, sine amore ingenuo haberi  
 haudquaquã possit. Rursus dũ timor  
 Proheticus sine amore cõsistere non po-  
 test: & amare neminem possimus, qui  
 illi fausta fœlicia' que omnia ex animo &  
 precemur & gratulemur: certè quãtur  
 aut ne



nos ipsimet in corde nostro sentimus, aut alios etiam certis indicijs uidemus à gratulatione alacri adhuc abesse, si quādo regnum Christi Domini illustrari cōstet in doctrina Euāgelij ipsius: tantū proculdubio etiam aut nos ipsos, aut alios, adhuc à timore hoc Prophetico, & proinde ab ea quoq; cuius hic reges admonentur, sapientia abesse, necessariò fatendum erit. Estq; hæc altera eius timoris nota, quo diuina hæc sapientia constat, de qua Propheta alioqui hic ad Reges & proceres concionatur: & alter etiam eiusdem ipsius sapientiæ gradus. Sed neq; hoc satis est Prophetæ, ut Reges, proceresq; eorum (siquidem uerè sapere, atque diuini iudicij seueritatem declinare uelint) animis duntaxat suis eiusmodi timorem Christi Domini concipiant. id quidem in primis esse necessarium ad tollendam omnem hypocrisim, nimirum ut eius timoris sensum in nostris ipsi cordibus, cōscientiæ nostræ testimonio, efficaciter sentiamus. Sed quoniam

niam Reges nō sibi tantum Reges sunt: proceresq; ipsorum, non suum tantum, uerum totius etiam regni negocium agunt: uult Propheta, ut eum ipsum quē illis præscribit timorē, publicis etiā suis officijs contestentur & declarent: ostendatq; suis omnib; se ab ijs quāmlōgissimè abesse, qui sibi à Christo Domino, regnoq; ipsius, hostili illo tyrānicōq; metu timēt. Docet igitur, ad quemmodū timor ille potissimum debeat publicè declarari: nēpe ut Reges proceresq; eorū omnes, se Christi Domini, regniq; ipsius ministros esse palām profiteantur publica alioqui subiectionis & obedientiæ suę attestatione. Et quoniam id omnium ferè est receptissimum apud omnes gentes, ut eorū manus exosculemur quibus nos subiectionem nostram debere agnoscimus: isq; mos iam tum apud Aegyptios in usu fuisse legitur, quorum alioqui Reges, omnibus alijs Regibus formidabiles erāt: eum ipsum subiectionis erga Christum Dominū agnoscentē

de publicisq; declarandę modum, Regib; omnib; eorumq; proceribus prescribit, qui tum apud Ægypti reges (quorū summa alioqui apud omnes autoritas erat) more publico in usu fuit. Vult, inquam, ut Reges mūdi totius omnes, illorumq; proceres, dum regnum Christi Domini in doctrina sui Euangelij inclarescere uident, cōcepto animis suis eo, quem scripsit, timore, illi sese continuo adiungāt, nisi protinus perire uelint: suę que erga Christum Dominū, regnumq; eius subiectionis specimen publicum, osculi sui testimonio edant. Osculemini, inquit, Filium, ne irascatur: & ita demum cum omnib; uis; hoc est, consilijs atq; apparatibus uestris pereatis. Hęc sanē omnia ta requirit Propheta in ea sapientiā, ad quam alioqui omnes, ut dictū est, ac Reges & eorū proceres cohortatur: ne exente sese inuitis omnib; regno Christi, possimet sibi suisq; omnibus extremum crepētinum interitum accersant. Nihil hic audimus de longis ac multis deliberatio-

berationibus, consultationibus ue, aut Cōcilijs siue instituendis, siue expectandis: ut uidelicet statuatur, quid, quando & quatenus sit permittendum Christo Domino, & regno eius, in doctrina ipsius. Non quærunt consilia, num seruire debeant, qui seruire ex animo cupiunt: multo minus in deliberationem uocāt, osculo ne excipere debeāt, dum ueniūt, quorum præsentiā uerē expetūt, deq; illa non dubitant modis omnibus gratulandum esse. Hypocritarum est hęc prudentia: qui etsi perditū sanē cupiunt & Christum Dominū, & uniuersum regnum ipsius, studiosi illius tamen (intitutis de illo speciosis uidelicet deliberationibus) uideri uolunt. Ad quem sanē modum Herodes, audita Christi Domini natiuitate, etsi ipsum perditum cuperet, atque iam cędem ipsius machinaretur: specioso tamen fūco in consilium uocat principes sacerdotum, ac scribas omnes: de que loco natiuitatis Christi, religionem simulans, sciscitatur: & se

& se quoque ad adorandum ipsum proficisci uelle fingit. Tametsi rectius multo Herodes tunc in consilium suum uocabat principes sacerdotum, & scribas: quam nunc quidam uocandum esse putent Papam Romanum, eiusque rasum atque unctum omne satellitium, ut ex eius sententia, de amplectendo Christo Domino, regnoque eius, in doctrina sui Euangelij, statuatur. Nimirum Herodes, homo ethnicus, eos in rei diuinæ consilium uocat, quos certum erat fuisse ordinationem Dei, in hoc ipsum institutam, ut diuinorum mysteriorum omnium & custodes & dispensatores essent: etiam si suam ipsi plane profanassent. Nunc uero, qui se Christianos Reges ac proceres esse profitentur, ex eorum arbitrio statui de regno Christi Domini uolunt, quorum uniuersum ordinem contra dignitatem atque autoritatem omnem & regni & doctrinæ & sacerdotij Christi institutum plane esse, modisque omnibus etiamnum pugnare, manifesta ipsorum scripta & facta

ta testantur. Deinde Herodes non querit à principibus sacerdotum & scribis, num Christum Dominum debeat adorare, dum id sine ullo cuiusquam consilio, quãquam hypocritice, debiti atque officij sui esse agnoscit, ac proinde se id quoque facturum esse promittit: sed tantum de loco natiuitatis inquirat, ut quod se facturum esse simulabat, maiore cura facere uelle uideretur. Nunc uero non hoc agitur, ut certo constet, ubi nam sint quaerendæ ueræ ac legitimæ regni Christi in clarescētis notæ: sed de ipso Christi regno uel amplectendo, uel reiiciendo, deque ipso Christo Domino in doctrina ministrisque ipsius uel recipiendo, uel de nouo crucifigendo, res tota in quaestione uocatur. Instituant igitur qui uolent istiusmodi deliberationes, expectent qui uolent istiusmodi conciliorum placitum à nobis certè, & ab omnibus qui perire nolint, aliud longè sapientiæ genus Propheta (ut uideatis) exigit: nempe, ut reiectis istis concilijs omnibus, ad præstada

uestra erga Christum Dominū, regnūq;  
 ipsius officia, ut ab ipso sunt præscripta,  
 animū uestrum adhiçiat. Nō uult, ut de  
 amplectēdo eo quod præscribit, sapien-  
 tiæ deliberationes ullas uel instituatis  
 uos ipsi, uel ab alijs institutas expec-  
 tatis: sed simpliciter præcipit, ut sublata o-  
 mni mora, abiectisq; omnibus causatio-  
 nibus, sapiatis. Nunc iam sapite, inquit.  
 Multo minus uult, ut de præstandis e-  
 ius sapientiæ officijs, in uestris consulta-  
 tionib. hypocriticū illud, quid, quando  
 & quatenus, in questionem uocetis. hoc  
 enim esset regnū Christi septis nostrarū  
 constitutionum uelle includere: cum ille  
 alioqui in hoc sit datus Rex nostrū o-  
 mniū, ut nō equidē regatur à nobis, sed  
 nos potius omnes, Reges que adeo no-  
 stros uerbi sui diuini autoritate, hypocri-  
 tas uero & aduersarios ferreo suo sce-  
 ptro regat ac cōpescat. Sed iubet ut Do-  
 minū timeatis, & quidē nō eo timore, q̄  
 odiū atq; inuidiā parit: sed qui cū placē-  
 di obsequēdiq; studio, cū animi alacrita-

te ac

te ac gaudio, & omnib. obseruatiæ offi-  
 cijs cōiunctus est. Seruite, inquit, Dño,  
 & exultate illi in timore atq; obseruatiā.  
 Osculo illum excipite, in testimoniū ui-  
 delicet uestri erga ipsum studiū, uestreq;  
 subiectionis: ne pereatis. Hæc igitur uo-  
 bis præstanda omnino, non autē ad deli-  
 berationē ullam reuocāda esse, cogitare  
 profectò debetis, quicūq; in Senatorio  
 istic ordine estis, uiri clarissimi: siquidē  
 uestrū officiū facere, ut debetis, impen-  
 dentemq; & uobis & toti patrię calami-  
 tatem publicam auertere uelitis. Ne  
 uerò hæc temerè præcipere uideatur  
 Propheta Regibus mundi huius, pro-  
 ceribusq; illorum omnibus: causas obi-  
 ter interferit, sui in hac parte cōsiliū: quas  
 equidem si Reges ac monarchæ, proce-  
 resq; illorum omnes accuratius paulo  
 obseruarent, minus proculdubio nūc es-  
 set negociū in restituenda uera religione.  
 Eas igitur attentis animis audire ne gra-  
 uemini, ut quidē ab ipso Propheta nar-  
 rantur. Primum igitur non tam in sua

d 2 ipsius,

ipsius, quàm in Christi ipsiusmet Domini persona potius, causas cōsiliij huius sui recēset: ut quāto maior est Christus dominus ipso Dauide, ac reliquis Prophe- tis omnib. tanto plus pōderis apud nos etiam habeāt, quæ ab ipso quidem Pro- pheta, Spiritu sancto autore proculdu- bio, nō tantum sub prophetæ, sed sub i- psiusmet Christi Domini persona, de se ipso testificantis, dicuntur. Deinde dum Christus ipsemet Dominus, de regno suo cœlesti sibi, iuxta carnis nostræ hu- manitatē dato, testificatur, non sine em- phatica præfatione id facit: sed pro de- creto inuiolabili, ac lege quadā publica, toto terrarum orbe obseruanda, haberi uult, nimirū ab ipsomet opt. max. Deo prolata, quæ de regno hic in terris suo di- cturus esset. Initio igitur reddit causam Propheta, cur Reges terræ omnes, pro- ceresq; illorū, timorem illum cum omni obsequendi studio, animiq; exultatione ac gratulatione publica, cum omnis itē subiectionis testificatione coniunctum, debeant

debeāt Christo Domino, dum regnum ipsius aliquo modo inclarescere uident: nempe quod ipse se Regem, loco ipso in terris omnium nobilissimo, præ alijs o- mnibus, uidelicet ab ipsomet Deo opt. max. electo, cōstitutum esse profiteatur, nimirum quanto honoratiore loco præ alijs Regib. omnibus, & quidem nō hu- mana ulla ui atq; autoritate, sed æterno Dei ipsius consilio, in regem constitu- tus esset: tanto maiorem illi etiam hono- rem deberi agnoscerent reliqui omnes mūdi huius Reges, proceresq; illorum: præsertim uerò, si diuinæ, hac in parte, uoluntatis alioqui constitutionem ob- seruare ac sequi uelint. Et ne quis hic diuinæ uoluntatis ignorantiam obten- dere possit, Christum ipsummet Domi- num diuinæ hac in parte uoluntatis præ- conem facit, ut de suo ipsemet in terris regno mentem ac decretum Dei profe- rat: quod ab omnibus in terris homini- bus, qui perire nolint: potissimum uerò à Regibus mundi huius, proceribusq; illorum

illorū omnib. pro sacrosancta, prorsusq̄  
 inuiolabili lege haberi omnino oportet.  
 Et si igitur Christus Dominus apud  
 Prophetā loquēs, sedē regni sui in mōte  
 sancto Zione, loco uidelicet præ alijs o-  
 mnib. cultui diuino peculiariter delecto,  
 collocatā esse profiteatur, eā tamē esse ait  
 Dei patris sui cœlestis uoluntatē, hoc cō-  
 filiū, hoc decretū, ut ipse in mōte illo resi-  
 dens, sit Rex nihilominus regum, regno-  
 rumq̄ ac gētium sine exceptiōe omniū,  
 & quidem æternus toto orbe terrarum.  
 Meritō igitur sibi deberi ab omnib. tum  
 Regibus, tum populis, eum timorē atq̄  
 honorem, quem Propheta hoc loco, Re-  
 gibus proceribusq̄ illorum omnib. præ-  
 scribit. Deinde hanc quoq̄ esse pronun-  
 ciat uoluntatem, hoc consilium, hoc de-  
 niq̄ decretū Dei patris sui, ut ipse in re-  
 gno hoc tali suo, Regibusq̄ alijs omnib.  
 qui ipsum (iuxta Prophetę doctrinā) ti-  
 meant atq̄ honorent, salutem ipsam tri-  
 buat, resq̄ illorum omnes prosperet ac  
 fortunet, quemadmodū id alibi ab eodē  
 ipso

ipso Propheta luculentissimè docet: sed  
 eos cōtrā, q̄ id reculent facere, aut hypo-  
 criticè alioqui, negligēter uē faciāt, ut uir-  
 ga ferrea, sceptro uē ferreo adoriaē, atq̄  
 in puluerem, uelut fictilia, redactos per-  
 dat. Rectè ergo moneri Reges, proce-  
 resq̄ illorū, ut sapienter ac prudēter sua  
 omnia instituāt, nisi perire uelint. Expo-  
 nit autē Christus Dominus, cur ei tātus  
 honor à Deo patre delatus sit: nēpe, eo  
 quòd in carne nostra sit pariter etiam fi-  
 lius unigenitus Dei, perq̄ suam incar-  
 nationem, regnum hic sibi, nobisq̄ in  
 se omnibus à Patre suo cœlesti, pro gra-  
 tuita suā misericordia, quodammodo  
 postularit. Est enim filij Dei incarnatio,  
 ueluti quædam regni istius postulatio,  
 quam æterno alioqui Dei consilio con-  
 stitutam fuisse, uerba hæc Patris ad Fi-  
 lium docēt, dum Filius à patre regnum  
 hoc suum postulare, Prophetico testi-  
 monio, iubetur. Cum igitur Christus  
 Dominus, Dei summi atq̄ æterni filius,  
 assūpta carne nostra, iuxta destinatū ab

æterno patris sui cœlestis consilium, regnum hoc sibi, uniuersosq; in se mortali-  
 um generi postularit: sintq; illi iam datæ à Deo patre omnes orbis terrarum  
 gentes, & omnes fines orbis terrarum,  
 ut sint hæreditas & possessio ipsius: atq; ea insuper lege sint illi datæ à Deo patre,  
 ut omnes Reges ac regna seruet, prospere  
 ac fortunet, quæ ipsum timeant (ut dictum est) & honorēt: aduersarios uerò  
 ac hypocritas, deniq; & cessatores omnes,  
 ueluti fictilia collisos, in cineres redigat & perdat, repenteq; instar exorti  
 subito incendij prorsus absumat: præterquam si,  
 in clarescente regno ipsius, protinus resipiscant. Equidem ut mihi  
 certò persuadeo, uos nihil minus cogitare,  
 quàm ut Spiritus sancti in uerbis Prophetæ admonitionē aut uelitis contemnere  
 omnino, aut ad uos nihil alioqui pertinere putetis, atq; publicam uobis  
 demum & toti patriæ calamitatem accersatis: ita non dubito etiam, Dei in  
 primis misericordia, deinde uestra quoque

que pietate fretus, uos unanimiter omnes ad eam quam à Propheta præscriptam esse uideris,  
 sapientiam, præstandaq; pro uestra uirili illius officia, animos uestros nunc potissimum adiecturos esse,  
 cum regni Christi Domini sceptrum in doctrina sui Euāgelij, ut nunquam antea,  
 sese istuc exerere, atq; tanto omnium consensu publicè expeti, negare non possitis.  
 Scio quid hic contrā à multis, potissimum uerò à nostri seculi Caiaphis ac Pharisæis dici soleat: & facile intelligo,  
 idem ab illis istuc iactari. Sed confido uos maiorem Prophetæ uerbis  
 per Spiritum sanctum loquentis, quàm Caiapharum ac Phariseorum placitis fidem  
 adhibitueros esse: maioremq; Dei quàm hominum quorūcunq; rationem habituros.  
 Ut tamen intelligatis, uana futillaq; esse omnia quæ ab ipsis proferruntur,  
 cōmemorabimus præcipua quædam, atq; etiam refellemus: & quāquam uideo epistolam excreuisse  
 suprā quàm putaram, tamen cum non ita parum re-  
 d s ferat,

ferat, refutatas habere hac potissimum in causa aduersariorum eas obiectiones, à quibus aliæ magna ex parte pendere uidentur: non usque adeo molestum fore spero, meam hanc prolixitatem, ut illam non æquis placidisq; animis laturos sitis. Iam igitur ad diluendas eorum obiectiones ueniamus.

Duo sunt ferè hominū genera, quæ regni hic Christi in doctrina eius instaurationē inuisam habēt, neq; facile ferre possunt. alterū est, quod in ordinato à Deo publico quocunq; Ecclesiæ ministerio, dominatū sibi quendā usurpare, usurpatum retinere cupit. alterū uerò, quod nullis omnino legib; coerceri, sed impune sibi licere uult omnia, in quocunq; tandem uitæ genere uersēt. Vtriq; enim isti cōtra se regnū Christi Domini instaurari sentiunt: dum & illam dominatus sui in ministerio imaginationem atq; usurpationem reprehendi per doctrinam Euangelij, se que ad uerbi diuini obedientiam

tiam reuocari, & impunè quiduis audēdi licentiam, admonitionum Ecclesiasticarum, ipsoq; disciplinæ Apostolicæ usufrenandam esse uidēt. Et quoniā utrunque hoc hominū genus, diuersis quidē nationibus, eodē tamen interim spectet, nempe ad licētiam atq; impunitatem rerum omnium: nimirum alij id per dominatum in ministerio, quasi nemini rationem sui ministerij reddere debeant: alij uerò per anarchiam quandam, atq; omnium in terris hominum æqualitatem, obtineri posse imaginantur: utrique sanè regnū Christi Domini iugum sibi haudquaquam ferēdum esse clamāt: atq; omnia tentāt, si quo modo illud abijcere abolerēq; possint. Vtriq; igitur isti habēt, quod instaurādo Christi Dñi regno opponere sibi posse uidētur. Porro cum uariæ sint ordinati à Deo publici in Ecclesia ministerij functiones, atq; inter illas præcipuæ duæ, in quibus potissimum aliquot iam seculis dominatum nescio quem quæsitum usurpatumq; eff

uidemus



uidemus, nempe in uerbi & gladij ministerio: uidendum nobis erit, quid nam ab istis aduersus regni Christi, in doctrina ipsius, instaurationem obijciatur. Ac primum de ijs dicemus, qui in uerbi ministerio, totius sibi orbis monarchiam, supra omnes Reges ac regna, commenti sunt, eamque & ferro, & flamma propugnare conantur. Papam Romanum, inquam, qui sub Apostolici ministerij fuce, unà cum rasorum suorum grege, regnorum sibi omnium ius summum asserit: & nusquam non purpuratas, cornutasque suas simias, nec nisi tumis omnino locis disponit. Isti igitur aduersus regni Christi instaurationem quamplurima afferre conantur. nos præcipua attingemus, eaque per Dei gratiam diluenus: additis ad singulas eorum obiectiones, illarum refutationibus. Hæ sunt autem præcipuæ illorum obiectiones.

Ad se pertinere curam religionis: itaque sine ipsis, nihil esse statuendum de religionis instauratione: sed expectandum omnibus,

omnibus, ut ipsi hoc faciāt: & quicquid huius ipsi fecerint, id alijs uidelicet omnibus amplectendum, sequendumque esse. Hic uerò (si Deo placet) Scripturam proferunt, Super cathedram Moysis confederunt scribere, &c. & Conciliorum suorum autoritatem prætendunt. Ad hoc igitur sic respondemus. Adeo nihil pertinere curam instaurationis ueræ religionis ad Papam Romanum, uniuersumque gregem ipsius: ut ne admitti quidem ullo modo debeant ad ulla consilia instaurationis ueræ religionis, nisi culpam Apostolicæ suæ impietatis ac tyrannidis, quæ tot iam annis Ecclesiam Christi presserunt, publicè agnoscant, deprecantur, ac uerbo Dei sese subiiciant omnino. Quantum enim lupi absunt à canibus ouilium custodibus, etiamsi caninum quiddam referre uideantur: tantum abest Papa cum creaturis suis omnibus, quatenus sanè Papismum propugnant, à functione muneris Apostolici, ac proinde à cura quoque instaurationis religionis. Dum exëplo Scribarum

barum ac Pharifæorum se communiūt,  
 ipſimet Scribarum ac Pharifæorum, nō  
 autem Apoſtorū ſucceſſores eſſe pro-  
 fitētur. Quorſum enim de Pharifæis di-  
 cta, ad ſe traherent, ſi non eodem cum  
 Pharifæis, Chriſti alioqui aduerſarijs,  
 loco haberi uellent? Tametſi hoc erat  
 melior olim Pharifæorum, quā nunc  
 ſit Papiſtarum ratio: quōd Pharifæi, et-  
 ſi ius ſibi traditionum faciendarum præ-  
 ter modum permittebant, Moſis tamen  
 ac legis ſue autoritatem ſacroſanctā ſem-  
 per apud ſeſe eſſe uoluerunt: iſti uerō  
 nec Chriſtum pro Chriſto, nec Euange-  
 lium pro Euāgelio, neq; Apoſtolos pro  
 Apoſtolicis, ſcripta uel illorū pro ſcriptis  
 Apoſtolicis haberi uolūt, niſi cēſura atq;  
 calculis ipſorum, in eorum concilijs ap-  
 probentur. Hic nimirum ſeruos domi-  
 no ſuo maiores eſſe oportet: ut Domi-  
 no non credatur, niſi quatenus ei ſerui  
 ſui credi uolunt. At uerō nos memi-  
 niſſe debemus, Perire legem à ſacer-  
 dote: Hierem. 18. Salem, amittere ſuam  
 quando-

quandoque ſalfuginem, ac deinde con-  
 culcandum eſſe: nedum ut illo condiri  
 debeant, ulla omnino inſtaurandæ re-  
 ligionis conſilia. deſerendos eſſe cæcos  
 cæcorū duces: Pharifæos inquam ipſos,  
 omneſq; ipſorū ſucceſſores. Quāquam  
 haud ſcio, an Papiſmū ipſum, cum omni-  
 bus illius propugnatoribus eo loco ha-  
 bere debeamus, ut uel cū Pharifæis, qui  
 initio in Moſi cathedra uerè confede-  
 rant: uel cum ſale euanido, qui antea  
 bonus fuerat, conferri poſſit: cum om-  
 nis totius Papiſtici ordinis dignitas, ex-  
 cellētia, uirtus atq; autoritas, & initium  
 ſuum & progreſſum omnē non aliunde  
 habeat, quā ex blaſphema illa in Chri-  
 ſtum Dominū, mortemq; ipſius, propi-  
 ciatorij neſcio cuius ſacrificij in Miſſa, e-  
 iusq; peculiaris ſacerdotij doctrina &  
 imaginatione. Quā cum euelli prorfus  
 atq; aboleri in primis in Eccleſia oporteat,  
 ſi quidem Chriſtus Dominus ullo  
 modo regnum apud nos ſuum in doctri-  
 na ſui Euangelij debeat obtinere: facile  
 eſt

est uidere, quantopere ad Papam eiusq;  
propugnatores pertineat cura instau-  
randæ religionis: nisi si ad lupos quoq;  
curam ouilium pertinere præcipuè ueli-  
mus, eo quòd rictu suo canes referre  
quodãmodo uideantur, quibus alioqui  
ouium custodia credi solet: cum tamen  
omnis cura ac custodia canum in hoc  
potissimùm adhibeatur ouilibus, ut ab  
illis lupi quàm longissimè arceantur. At-  
que hoc ita ad primam hæc Papistarum  
obiectionem respondisse, satis erit.

2 Dicunt, Ecclesiam esse columnam ac  
basim ueritatis: ac proinde illam errare  
haudquaquam posse. se autem guberna-  
tores esse Ecclesiæ: quare cum Ecclesia  
errare non possit, nec se quoq;, ut illius  
gubernatores, ullo modo posse. ac pro-  
inde ad se potissimùm recurrendum es-  
se in omnibus controuersijs religionis:  
neque sine ipsis hic statui quicquam aut  
debere, aut etiam posse. Nos porro ad  
hæc respondemus: Esse hoc quidem Sa-  
tanæ ingenium, ut suæ impietati fucum  
sanctitatis

sanctitatis aliquem obtendat, quo frau-  
dulentius fallat: sed fieri interim nõ pos-  
se, quin se alicubi hypocrisis ipsius pro-  
dat. ita & isti conantur quidem modis  
omnibus tyrannidi atque impietati spe-  
ciosum Ecclesiæ titulum obtendere: sed  
resectam ita iam habemus uerbi diuini  
luce imposturam ipsorum (sit Dominus  
gratia) ut nos hac alioqui, in hac parte,  
nõ tã faciliè quàm putant fallere amplius  
possint. Produunt autẽ ipsimet suam siue  
inscitiã, siue malitiã, hac sua ratiocinatio-  
ne. Dum enim ex Paulo dicunt, Eccle-  
siam esse columnam ac fulcrũ ueritatis:  
aut sanè sub Ecclesiæ nomine, unius dũ-  
taxat alicuius temporis loci ue Ecclesiã  
intelligunt, & tum planè à mente ac sen-  
tentia Pauli quàm longissimè absunt.  
Aut (quod multo grauius) sciẽtes illam,  
ac uolentes deprauãt, ut uerbis demum  
Apostolicis ad confirmandã suam tyran-  
nidem insidiosè abutãtur. Estq; falsa hæc  
ipsorũ doctrina, qua illi, unius alicuius  
temporis loci ue Ecclesiam (post Apo-  
e stolos

stolos præsertim) columnam ac fulcrum  
 ueritatis esse fingunt. Aut si Apostolum  
 de catholica illic, omnium uidelicet & tem-  
 porum & locorum, Ecclesia loqui fatetur,  
 quæ alioqui & Prophetas & Apostolos  
 omnes, cum omni doctrina illorum, ip-  
 sumque adeo Christum Dominum, tan-  
 quam summum ac æternum, & proinde  
 unicum etiam caput suum cõplectatur:  
 tũ certè impudèter faciunt, quòd se eius  
 Ecclesiæ præsidēs ac gubernatores esse  
 iactant, cui gubernandæ, pro ipsa alioqui  
 & temporum & locorum ratione pares  
 esse non queunt. Quo pacto enim, qui  
 non nisi certo aliquo, eoque breui admo-  
 dum tempore uiuere, neque nisi uno dun-  
 taxat loco esse potest, credendus est inte-  
 rim & præesse illi Ecclesiæ, & eam guber-  
 nare posse, quæ neque temporibus, hic, neque  
 locis certis ullis circumscribi queat. Sed  
 sic uiam sterni oportuit Antichristianæ  
 Papæ Romani & gregis sui tyrannidi, de-  
 torta, quò non oportebat, Scripturæ au-  
 thoritate. Quare doctrinam sanè Apосто-  
 licam

licam de catholica Dei Ecclesia libenter  
 amplectimur. Et quemadmodum sanctus  
 Dei uir Augustinus, eius ipsius Eccle-  
 siæ autoritate permotus, Euangelio se po-  
 tius quam Manichæis credere maluisse  
 testatur: ita & nos, eiusdem alioqui ip-  
 sius Ecclesiæ autoritate permoueri om-  
 nes merito deberemus, ut relucescenti  
 iam denuò, diuino beneficio, doctrinæ  
 Euangelicæ, Christi potius, cui illa sanè  
 perpetuò credi iubet, quam et Paparum  
 simul & Papistarum omnium placitis ac  
 decretis fidem nostram adhiberemus. Ce-  
 terum ut Papam eius ipsius Ecclesiæ, supra  
 alios omnes, Episcopum esse, aut illam à  
 grege ipsius gubernari credamus: hoc  
 certè nusquam in Scripturis docemur.  
 Imò uerò eo potissimum nomine, Papam  
 ipsum cum suo grege, Antichristianæ ty-  
 rannidis iam aliquandiu usurpatæ accusa-  
 mus, idque iuxta magni illius Gregorij do-  
 ctrinam, qui & ipse inter laudatissimos  
 Papas numeratur, quòd se in manifestam  
 alioqui contumeliam summi, æternique,

& ut Paulus docet, ἀπαράβατος pontificij Christi, catholicæ & ipse Ecclesiæ Pontificem ac præsidem omnium maximum esse gloriatur. tantoq; magis eum cum uniuerso grege suo arceri oportere dicimus, ab omnibus instaurandę ueræ religionis consilijs: quanto maiore impudentia illę catholicæ sibi Ecclesiæ curam ac gubernationem, supra alios omnes, arrogare conatur. Ac non modo non uiolari affirmamus, si arceatur, auctoritatem Ecclesiæ: sed eam non alia etiã ratione ulla stabiliri cohonestariq; magis posse putamus.

3. Causantur, doctrinam nostram esse nouã: autores illius, homines esse obscuros, neq; ullis aut Propheticis, aut Apostolicis prærogatiuis miraculis uel insignes. Nõ esse igitur recipiendã ullo modo: sed perstandũ potius in recepta iam pridẽ à nostris maiorib. totq; præterea Paparum ac Cõciliorum auctoritate cõprobata, doctrina ac fide. Hic uerò dicimus, nihil mirum esse, doctrinã nostram  
istis

istis uideri nouã: quandoquidẽ scripturas sanctas, unde potissimum est desumpta, aut nunquã legerunt, aut negligẽter alioqui, uel certẽ non sine præiudicis legerunt. Nos enim disertis uerbis postulamus, ne nobis ulla usquã fides habeatur omnino, nisi quatenus omnis nostrę doctrinæ fontes, in scripturis sanctis euidenter commõstremus. Aut igitur Propheticam simul atq; Apostolicã doctrinam nouitatis accusent: aut desinant nostra nouitatis accusare, quorum fontes luculentissimos in Scripturis extare, negare omnino non possunt. Porro dum nostram doctrinam nouitatis insimulant, eorum se ipsimet discipulos ac successores esse declarant, qui etsi uirtutem diuinam in Christo Domino, eiusq; doctrina conspicerent manifestẽ, nouitatis illam tamẽ (cum aliud nihil possent dicere) accusant. Quibus equidẽ hoc loco aliud non respõdemus, quàm quod Christus Dominus Phariseis olim legitur respõdisse, cum ab illis & ipse nouitatis cu

iufdam, in astringēda repudiū indulgentia, accusaretur, indulgentiæq; illi induc-  
ta à Mose antiquitas prætexerēt: nēpe,  
ab initio nō sic fuiſſe. Ac proinde ad quē  
modum Chriſtus Dominus aſtrictioni  
ſuæ, falſò obiectam eſſe per Phariſæos,  
nuperam illam, præ matrimoniū origine,  
Moſaicæ indulgentiæ antiquitatem, re-  
uocata alioqui tota controuerſia ad pri-  
mam matrimoniū originem, à qua pro-  
pter populi obſtinationem, Moſe alio-  
qui id permittente, diſceſſum erat: ita &  
nos doctrinam noſtram à Phariſæis i-  
ſtis noſtri temporis antiquarijs, falſò  
nouitatis accuſari dicimus: dum à Papi-  
ſticis omnibus quantumuis receptis cō-  
ſtitutionibus, decretis ac ritibus, ad pri-  
mam Eccleſiæ Chriſti originem, pri-  
mumq; illius (Propheticas inquā & A-  
poſtolicas ſcripturas) prouocamus, &  
cum Domino dicimus: Ab initio nō ſic  
fuit. Ac quemadmodum Chriſtus Do-  
mius non poſſe ab ullo homine diſſolui  
pronunciat, quod Deo ipſo autore con-

iunctum

iunctum eſſet: ita & nos nihil eorū muta-  
ri, uiolariq; ullo modo potuiſſe dicimus,  
neq; per Papas ullos, per malè conciliata  
quæuis ipſorū concilia, quæ per Chriſtū  
Dominū in ſua Eccleſia inſtituta, perq;  
eius demū Apoſtolos obſeruata, & no-  
bis ad extremum ſcriptis earum cōmen-  
data eſſe cōſtat. Quid? quod nos multo  
nunc rectius quæ ab iſtis uiolata aboli-  
ta ue ſunt, ad legitimos ſuos, in Scriptu-  
ris, fontes reuocare conamur, in clareſcē-  
te præſertim ubiq; iam, diuino beneficio,  
doctrina Euangelij Chriſti: quàm olim  
Moſaica illa repudiū indulgentia Chriſto  
Domino autore ad primā matrimoniū  
originē reuocabat: etiamſi illā à Chriſto  
Domino, ut alia omnia, & iuſtiſſimè &  
ſanctiſſimè reuocatā eſſe nō dubitamus.  
Nimirum dubium non eſt, Moſen, fide-  
lem alioqui Dei miniſtrū, nihil & hic, ut  
alibi ubiq; ſine peculiari haud dubiè uer-  
bi diuini oraculo egiſſe. Papam uerò cō-  
ſtat conatum eſſe ſemper cum ſuis om-  
nibus, omnem prorsus diuinā Eccleſia-

e 4 ſtici

fici ministerij ordinationem omnino subuertere, quo suę tyrannidi atque impietati locum faceret: collocataq; demũ in templo ipso Dei abominationis atq; idololatrię suę cathedra, efferret sese aduersus omne id quod dicitur Deus: & seipsum, haud aliter quàm si ipsemet Deus esset, ostentaret, quemadmodum Paulus docet. Non igitur nos autores sumus nouæ ullius doctrinæ: sed Papisticas nouationes ( quibus interim falso antiquitas prætexitur ) ipsamq; adeo à fide *ἐπιλωσι*, ut Basilius loquitur, accusamus: & totam præterea religionis controuersiam, ad omniũ sanè uetustissimã illius originem, Prophetarum inquam, & Apostolorum fundamentũ, reuocamus. Quare frustra etiã in doctrina nostra, eiusque ministris, Propheticas aut Apostolicas prærogatiuas, aut noua uel miracula requirunt. Cum enim nostra omnia ad Scripturas Canonicas reuocemus, illisque ultro omnia subiiciamus: equidem omnes etiam Prophetice

atque

atque Apostolicæ prærogatiuæ, omnia item illorum miracula, ad nostram equè atq; ad illorum doctrinam omnino pertinebunt. nisi quod isti facere & hic non possunt, quin testentur se ex illorum esse progenie, qui & personas potius quàm res ipsas semper respiciunt, & in luce etiam clarissima signa & prodigia perpetuò quærunt.

4 Aiunt, nos abuti Scripturæ autoritate: attexi que illi per nos peregrinas, & à mente ac cõsensu Ecclesiæ alienas interpretationes. Esto autem, Scripturæ ipsę pro nobis facerent, maiorẽ nihilominus Ecclesię hic quàm scripturarum rationẽ habẽdam esse: eo quod Scripturas ipsas oporteat approbari, neq; Scripturę ipsę sine Ecclesia pòdus suũ retinere possint. iuxta illud Augustini: Euangelio nõ crederem, nisi me Ecclesiæ autoritas cõmoueret. Nos uerò & Scripturã uniuersam consentienter à nobis stare, ac proinde nullas illi per nos attexi dicimus peregrinas interpretationes: & catholicę Eccle-

e 5 siæ

siæ item consensum nobiscū omnino fa-  
 cere affirmamus. Etsi autem in omni no-  
 stra doctrina optimè nobis corā Domi-  
 no conscij sumus, neq; ullo modo dubi-  
 tamus & Scripturas & consensum Ec-  
 clesie perpetuum à nobis stare omnino:  
 homines nos esse tamen libenter agno-  
 scimus, qui & errare & falli iudicio no-  
 stro possimus: summoq; desiderio resti-  
 tui expetimus legitima Ecclesiarum, ex  
 uerbo Dei, iudicia, quæ in Apostolica  
 quidē Ecclesia olim obseruata, sed Papi-  
 stica demum tyrannide adulterata, tan-  
 demq; etiam abolita esse uidemus. Ex-  
 petimus item & Christiana quæuis, in  
 omni mansuetudine, modestia ac lenita-  
 te, colloquia, tantisper dum legitima Ec-  
 clesiarum iudicia commodè restitui non  
 possint. Et nihil magis deploramus, q̄  
 quod inter eos etiam qui pro Euangelij  
 assertoribus habentur, neminem ferè in  
 eam curam incumbere uidemus. Qui i-  
 gitur nos Scripturarū autoritate abuti  
 putant, errores nostros nobis ex ipsi-  
 dem

ipsis

ipsis Scripturis cōmonstrent: & aut nos,  
 ut putant, peregrinarū interpretationū,  
 facta aliorū Scripturæ locorū mutua col-  
 latione, amanter redarguāt: aut, si id non  
 possint, à nobis uicissim se ad eundē mo-  
 dum redargui nē recusent. Hūc enim cō-  
 ponendi modū omnes in religione con-  
 trouersias, et Christus Dominus, & eius  
 Apostoli, & primæuæ post Apostolos  
 Ecclesie patres orthodoxi obseruarūt,  
 nobisq; obseruandum suis monumen-  
 tis commendarūt. At uerò nihil minus  
 cogitant isti: sed eis satis est, si Scriptu-  
 ras à nobis detorqueri clament dunta-  
 xat, nos que hoc prætenu passim con-  
 demnent, etiamsi nihil huius usquam  
 commonstrare possint. Hæc illis ruina  
 superest, ut dum nobis ipsam Scriptu-  
 ræ autoritatem eripere non queunt,  
 detorqueri illam à nobis, nullis interim  
 locis usquam commonstratis, perpetuò  
 clament. Quanquam ne hoc quidem eis  
 satis est: sed altius adhuc prosiliunt. Et  
 quoniam frustra se id conari uident,

ut



ut Scripturas à nobis detorqueri doceant : ipsis etiam Scripturis omnem earum autoritatem derogare nituntur : & dicunt, Scripturas ipsas non posse, nisi ab Ecclesia suam autoritatem obtinere. Atque ita in omnibus de religione controuersijs, non tam equidem Scripturarum, quas alioqui contra se facere uident, quàm Ecclesiæ potius, cuius titulū placitis decretisque suis prætendunt, rationem in primis haberi oportere contendunt. Cæterum, si quis ad eum modum cum ipsis agat, ad quem modum cum Manichæis Augustinus egisse uideatur : nempe ut nullam usquam Ecclesiam esse fingat, quemadmodū Augustinus apud Manichæos de Scripturis ipsis se dubitare simulat : unde quæso iactatores Ecclesiæ isti, Ecclesiam esse, ne dicam apud se esse, probabunt ? Aut ubi nobis illius originem, progressum, sedem atque autoritatem cōmonstrabunt ? Et, ut uerbis Augustini utar, in hominum ne, an uerò in Dei ipsius uerbo Ecclesiam querent ?

rent ? Si dicāt, in uerbis hominū, ubi rursum in tanta sectarum atque hæreseon, se se inuicem damnantium, ueritate ac multitudinē, uerā nobis Ecclesiā ostendent, cum ubique sint homines, & nemo nō ueram apud se Ecclesiam esse iuret. Esto autē, nullæ sint sectæ atque hæreses usquā : quis nos de uerā Ecclesia certos faciat, si ne uerbi diuini, in Scripturis proditi, testimonio : cum & Prophetas omnes in uniuersum, quamlibet concordēs homines, mēdaciū accuset : & Christus ipsemet Dominus, qui nō homo tantū, sed Deus quoque est, suū ipsius, quatenus hominis, de se testimoniū pro nihilo ducat, si non diuinum pariter coniunctum haberet ? Atque disertè neget, ullū esse omnino ueræ fidei, ac proinde uerę quoque Ecclesiæ locū, apud eos qui suam ab inuicē quærent gloriā atque autoritatem ? Si uerò in uerbo Dei, Scripturis sanctis prodito, est quærēda Ecclesia, quemadmodū sanè non alibi illam & Scripturarum, & ipsiusmet catholicæ Ecclesiæ testimonio quæri

queri oportet: iam equidem nō scriptu-  
 ras ab Ecclesia, sed Ecclesiā à scripturis  
 potius æstimari, pendereq; oportebit:  
 atq; tum sanè etiā nō scriptura ab Eccle-  
 sia, sed potius Ecclesia à scripturis omne  
 suū pōdus, omnēq; suam autoritatē obti-  
 nebit. Quid? quod idē ipse Christus Do-  
 minus, inde potissimū suos discipulos, ac  
 proinde suā quoq; proculdubio Eccle-  
 siā, agnoscere estimariq; uult, si uerba ipsius  
 fideliter retineāt atq; obseruent. Et ei-  
 ctos planè esse testatur, quicunq; doctri-  
 nam ipsius retinere atq; sequi nolint. Idē  
 uerò ipse etiā præterea Christus Domi-  
 nus alibi, non equidē Ecclesiā doctrinæ  
 sue, sed doctrinā potius suā, totius in uni-  
 uersum generis humani iudicē fore pro-  
 nūciat: ut intelligamus, nō sanè illū ab ho-  
 minibus, quocunq; titulo aut prærogati-  
 ua ornatis, sed uniuersum genus morta-  
 liū ab ipso (iuxta doctrinā uerbi sui) iudi-  
 cādū omnino esse. Quale nā aut iudiciū,  
 huius quā, obsecro, cēsuram sibi sumat Ec-  
 clesia, in doctrinā illius, qui nō modo nō  
 est subiectus ullis omnino humanis iudi-

cijis,

cijis, sed ne testimoniū quidē ullū ab ullis  
 etiā hominib. aut requirat omnino, aut  
 etiā accipiat? Cum uerò ipsemet Chri-  
 stus Dominus expressis uerbis profitea-  
 tur, se non solum nō expetere, sed ne ac-  
 cipere quidē approbatoriū ullum ab ho-  
 minib. testimoniū: equidē qui scripturas  
 ipsas iudicio cēsurg atq; autoritati Eccle-  
 siæ subijcere conant, alterū faciāt necesse  
 est: nēpeut aut Ecclesiā nō hominib. ullis  
 cōstare doceāt, p̄terquā si Christū Dñm  
 mendacē facere uelint: aut suā ipsi impie-  
 tatē, cū manifesta in Christū Dñm blas-  
 phemia coniunctā prodant, dū à quib. se  
 ille nullū eiusmodi testimoniū accipere  
 profiteē, eos ipsi nō testes modò, sed cēsor-  
 res etiā ac iudices approbatoresq; ipsius  
 aut doctrinæ omnis suæ facere conātur.  
 Quid est autem, si nō hoc est, efferre sese  
 supra eum qui & dicitur, & est reuera  
 Deus? nedum ut eam Ecclesiam, quæ id  
 sibi arrogat, pro Christi Ecclesia habere  
 debeamus. Atq; fatemur quidem, Eccle-  
 siam esse testem Christi Domini, doctri-  
 nēq; ipsius, iuxta illud: Eritis mihi testes.  
 imò

imò uerò ita hoc proprium esse dicimus  
Ecclesiæ officium, ut aliud neq; debeat,  
neq; possit etiam facere: & nisi perpetuò  
Christo Domino eiusq; doctrinæ testi-  
moniū suū phibeat, Ecclesia uerè neq; es-  
se amplius, neq; etiā dici possit. Vnde &  
nos Augustinū sequuti, Ecclesiæ nos te-  
stimonio permoueri fateamur ( ut antea  
quoque diximus ) ut Euāgelio potius q̄  
Papis, eorumq; decretis ac consilijs om-  
nibus credamus. Sed aliud est officium  
agnoscere: aliud uerò, censoriam siue iu-  
diciariam approbandi auctoritatem arro-  
gare uelle. Aliud est ( inquam ) eiusmo-  
di testē esse, qui aliud nihil se quàm per-  
petuò testificari oportere agnoscat: a-  
liud uerò, uirgulam nobis censoriam in  
ea usurpare uelle, ut de eis pro nostro ar-  
bitrio statuamus, quæ commendare dū-  
taxat nostro testimonio, pro debito offi-  
cioq; nostro, debemus. Ceterū isti, quo-  
niā nihil aliud quàm dominatū quendā  
totius religionis sub fūco Ecclesiæ medi-  
tantur, pro testib. ac ministris, iudices, cē-  
fores,

fores, domini atq; approbatores Christi  
Domini, eiusq; Ecclesiæ esse uolūt. Di-  
scipuli uidelicet supra magistrū, & lega-  
ti maiores eo qui ipsos ablegauit: quate-  
nus sanè à Christo Domino missi esse ui-  
deri uolunt. Qua uerò fide uerba Augu-  
stini pro se torqueant, id sanè quiuis iam  
ex ijs quæ diximus uidere potest.

5 Dicunt, nos inter nos ipsos in multis  
doctrinæ capitibus dissidere: atq; ita in-  
certam esse doctrinam nostram, nedum  
ut pro doctrinā Euangelij Christi agno-  
sci recipiq; debeat ullo modo. Nihil nō  
tentant, quo doctrinam nostram infam-  
ent: ac festucam quidem in oculis no-  
stris uident, ceterum trabem in suis ipso-  
rum oculis uidere nō possunt. Nos qui-  
dem dissidia quædam inter Euangelij  
professores esse non diffitemur: atq; hic  
nos homines esse agnoscimus, & uicem  
Ecclesiarum hoc nomine sanè dolemus.  
Sed in omnibus nostris dissidijs, funda-  
mentum nihilominus Apostolicæ con-  
fessionis, & constanter omnes per Dei  
gratiā, & unanimiter profiteamur: quod

f tamen

tamen ab istis dissidiorum nostrorū ac-  
 cusatorib. uariè impetitur, obscuratum  
 deniq; & uiolatum esse, facile doceri po-  
 test. Et si autem culpa sua non careant,  
 quæuis in religione dissidia: plurimum  
 tamen interest, uiolent' ne, aut non uiol-  
 ent fundamenti Apostolici fidē. Dein-  
 de destinato' ne consilio, an uerò per im-  
 prudentiam atq; infirmitatem uiolent.  
 Atq; sanè nunquam fuit ita foelix status  
 Ecclesiæ Christi, post Apostolos præser-  
 tim, adeo' que & sub Apostolis ipsis: ut  
 non semper aliquid in illa, etiam inter ui-  
 ros sanctissimos, dissidiorum esset, sed  
 quibus interim ipsa fundamenti Apo-  
 stolici fides in dubium nunquam uoca-  
 batur. Ita & nunc dissidia inter nos ex-  
 tare dolemus quidem, sed nō usque adeo  
 miramur, quando quidem illis Ecclesia  
 nunquam caruit. Sed eiusmodi dissidia  
 inter nos nulla agnoscimus, quæ desti-  
 nato consilio fidem fundamenti uiolent  
 quoquo modo, qualia interim apud Pa-  
 pistas monstrari possunt. Deinde  
 quæcuncq; sunt inter nos dissidia, ea scri-  
 ptura-

pturarum censuræ subiicimus omnia:  
 expetimusq; piorū sine discrimine om-  
 nium, modesta, libera, Christiana'q; col-  
 loquia: parati cum publica nostri pude-  
 factione, mutare sententiam, si ex uerbo  
 Dei meliora doceamur. Quod si isti pa-  
 cis ac cōcordiæ Ecclesiasticæ studio dis-  
 sidia nostra accusant, nēpe ut, sicubi aut  
 à nobis, aut ab ipsis etiam, à scopo aberra-  
 tum est, ad uiam rursus rectam, iuxta uer-  
 bum Dei reducatur: instituant Christia-  
 na, modesta, sine conuicijs ac præiudicijs  
 ullis, interim tamen libera, colloquia: cō-  
 mostrent nobis errata nostra, & sibi etiā  
 sua monstrari non ægrè ferant, sic  
 enim constare posset de ipsorum erga pa-  
 cem ac concordiam Ecclesiasticā studio.  
 At uerò tantum abest, ut ipsi sint sollici-  
 ti, siue de componendis nostris dissidijs,  
 siue de corrigēdis nostris, quos accusant,  
 erroribus, siue de reformādis suis etiam  
 abusibus: ut & dissidia nostra omnia ma-  
 gis ac magis gliscere indies, & errores itē  
 nostros multiplicari modis omnibus cu-  
 piāt, quo maiorē nostra omnia traducēdi

occasionem habere queant: de sua uero tyrannide, inueteratisq; iam aliquandiu suis abusib. nihil omnino remittant. Accusant nos igitur dissidiorū, qui ipsimet à fundamento Apostolicæ confessionis iam olim defecerunt: & tot præterea inter se monstra sectarum alunt, ut uix simul omnia recēseri possint. Et accusant non corrigendi ullo, in uiamq; reducendi studio ullo: sed sola nostri accusatione, sese populo ut uenditent, suāq; tyrannidem ita demū excusent & confirmēt. Ac quemadmodū ludas olim Christum Dominum neglectorū egenorum accusabat, nō quod illi egenorū inopia cordi esset (quos ille multo magis furtis suis, quàm Christus Dominus unguēti illius usu fraudabat) sed quod furtis suis tantū decedere doleret: ita isti hāc unā occasionem naēti dissidiorū, nos accusant, non quod illis pax uera ac cōcordia Ecclesiarum cordi sit ullo modo: sed quod omne regnū suum periclitari uident, si non doctrinā nostram, quocunq; tandē modo possint, siue iure, siue iniuria, accusent.

6 Aiunt nostram doctrinam esse causam turbarum ac seditionū passim: illiq; imputanda esse potissimum, quæcunq; usquam infausta ac infœlicia nostra memoria obrigerunt. Et hic celare nō possunt maiorum suorum ingenium, qui de Christo olim Domino clamabāt, Com mouet populum, ac rursus, Veniēt Romani, &c. Hisce enim uocibus olim Pharisei ac sacerdotum principes, Christum Dominum in doctrina ipsius, & turbarum omnium, & eius à qua sibi omnium maximè metuebāt, calamitatis autorem facere conabātur: cum ipsimet in hoc toti essent, ut & Pilatū, & uniuersum aded populum, calūnijs suis aduersus Christū Dominum concitarent, atq; ipsimet etiā sua impietate publicā illam calamitatem toti suæ genti accersuissent. Ita & isti faciūt igitur, & cum nō alij ulli hominum generi & turbas nunc toto orbe omnes, & omnes calamitates magis debeamus quàm ipsis: horum illi tamen omnium culpam in nos, propter doctrinā Euangelij Christi, transferre conantur. Norūt

uidelicet, Euangelica luce abusus multos reprehendi, & suum cuique officium commonstrari. id uerò cum nunc sit inuisum omnibus, propter adulteratam, Papismi potissimum tyrannide, omnium ferè publicarum in Ecclesia uocationum functionem: & suum isti regnum interiturum omnino esse intelligant, si sua quisque uocatione legitime, iuxta uerbum Dei, defungeretur: reprehensiones abusu diuinas omnes turbas esse interpretatur. Quasi uerò legitimæ reprehensiones sine turbis institui non possint: aut quasi turbarum culpa, in legitimis abusu reprehensionibus sit posita: ac non potius in illorum obstinatione ac peruidacia, qui de suis abusibus remittere nihil uolunt: ac proinde sursum ac deorsum miscent omnia, si se attingi sentiant ullo modo. Cum igitur Papismus uniuersus, ut nunc est, cum doctrina Euangelij consistere haudquaquam possit: atque eius praesides, suam impietatem, pro summa pietate mundo toti obtrudant, nedum ut ullas illius reprehensiones æquo animo

admittant: & interim efficere non possint, quo minus uerbi diuini autoritate reprehendantur: nihil non tentant, siue metu, siue odio reprehensionum, quod modo putant ad suppressendam, abolendam uerbi diuini autoritatem pertinere. neque hic illis satis est, ut Regibus ac monarchis perpetuo occinant Propheticum illud: *Dirumpamus uincula eorum, & lora ipsorum abiciamus* (hoc enim suo more faciunt, ut admonitiones & reprehensiones Euangelicas nescio quæ uincula ac lora esse interpretentur) sed ipsimet etiam aduersus uerbi Domini doctrinam, & eius ministros, enses, flammam ac carceres suos in promptu habent, sursumque ac deorsum miscent omnia, ut inuictam semel suam tyrannidem (uel Deo ipso inuito) retinere possint. Hoc uerò istis turbulētum non est: sed turbarum culpam, doctrinae uerbi diuini, & eius ministris imputari uolunt. Iuxta istos scilicet, turbulenti sunt, quia uicia reprehendunt,

& suum cuique officium, ex uerbo Dei com-  
 monstrant, ut seruari possint: atque hoc no-  
 mine inuisi, destituti, pressi atque afflicti  
 nusquam non oberrant, secantur, tentan-  
 tur, uruntur, merguntur, & gladii occi-  
 sione alacriter, in Domino, occumbunt.  
 Et illi pacifici erunt, qui hæc omnia pro-  
 curant: atque in hoc suos ipsimet carceres,  
 ignes & enses expeditos habent? Ad  
 hunc sane modum tyrannicus ille rex Is-  
 raelis Achab, Eliam Dei prophetam tur-  
 barum accusabat. Sed rursus ab illo au-  
 dire coactus est: quod non equidem Elias,  
 sed ipsemet sua tyrannide atque idololatria  
 omnium barbarum ac calamitatum in Isra-  
 ele autor esset. Ita & nos igitur, Roma-  
 nensi nostri temporis Achabo, Papæ in-  
 quam, cum uniuerso grege ipsius, qui no-  
 stram doctrinam barbarum insinulat,  
 Eliæ prophetæ uerbis respondissemus:  
 Non esse nos, qui nostris ex uerbo Dei  
 admonitionibus ac reprehensionibus,  
 turbas ullas commoueamus, cum aliud  
 nihil quam gloriam Christi Domini in  
 regno ipsius, & salutem omnium quaeramus:

ramus: sed illum ipsummet Romanen-  
 sem Achabum, qui Romani Imperii fa-  
 sces insidiosè inuasit, suæque tyrannidi de-  
 mum Reges orbis Christiani omnes sub-  
 iecit: illum inquam, cum galerato, mitrato,  
 palliato ac cucullato suo satellitio, cau-  
 sam dare omnibus turbis ac calamitati-  
 bus totius (ut uocatur) orbis Christiani:  
 eo quod profanarit sua tyrannide do-  
 ctrinam Euangelii Christi: & noui cuius-  
 dam dei sui praesidiarii, qui manibus hu-  
 manis fiat, uias praestigiosas confinxerit  
 ac sequatur: atque adeo nihil de sua ty-  
 rannide ac idololatria remittere uelit, ut  
 orbem uniuersum dissidijs, caedibus ac  
 bellis implere malit, quam uel latum un-  
 guem de sua suorumque tyrannide atque  
 impietate cedere. Atque hoc Achabitis  
 istis, Eliæ prophetæ exemplo responsum  
 esto. Hæc autem ferè sunt precipua, quæ  
 aduersus nostram doctrinam proferunt:  
 cum ipsimet omnium maxima culpa eo-  
 rum teneatur, quæ nobis falso adscribunt.

Aliud porro hominum genus, quod  
 ad rerum omnium licentiam atque impu-  
 nitatem

nitatem extremis hisce temporibus nostris adspirat, habet etiam quod nostræ alioqui doctrinæ obijciat. Proferunt & ipsi doctrinam Pauli, qui, ubi spiritus est, ibi quoque libertatem extare oportere docet. Nostra autem hæc tempora, esse spiritus tempora, & spirituales à nemine iudicandos esse. Itaque libertatē permittendā esse omnibus, docendi agendique omnia: & non dubitandū, cum iam sint tempora spiritus, omnia quæ docentur, à spiritu S. provenire. At uerò isti in citāda hoc loco Pauli doctrina, bis peccāt. Primum, quod nomen libertatis aliò detorquent, quam Paulus uelit. nā illic Paulus sub libertatis nomine, nō equidē quiduis aut docēdi aut agēdi licentiā atque impunitatē intelligit: sed animi nostri ac cōsciētie nostræ, in Dei iudicio, à legis maledicto, ac typicorum omniū seruitute liberationē, ut qui sine Christo, legis nexu, ad æternam condemnationē destinabamur, nūc in Christo nos ab eo nexu liberatos esse fidei nostræ testimonio, ex dono spiritus sancti, sentiamus: & qui ante Christum datum

ad

ad typicorum omnium obseruationem, ex Dei ipsius ordinatione, alligati eramus: certi simus, etiam nos ab hac seruitute per Christū Dominū liberatos esse: quæ sanè libertatis nostræ apud Deū ratio, nihil habet cōmune cum ea quam isti imaginantur, quiduis docendi agendique licentiā atque impunitate. Deinde peccāt isti, etiam dum nostra hæc tempora ita ad spiritum sanctum referunt, ut quicquid iam uel doceatur, uel geratur, id totum ab illo provenire arbitrentur. Manet enim adhuc inconcussa doctrina Apostolica, spiritu sancto autore proculdubio prodita, qua spiritus (nunc, si unquā aliās) probare iubemur, num ex Deo sint. Qua equidem doctrina mone-mur, ab impostore spiritu istos excitari, qui licentiæ huic atque impunitati docendi & agendi omnia, & libertatem & tempora spiritus sancti preposterè obtēdūt. Hoc nimirum agit satan, ut dum Papisticam tyrannidem defendi amplius non posse uidet, propter reiectam, magnam iam ex parte, impietatem illius: nouis

rursum



rursum artibus impediatur ueram ac legitimam, iuxta scripturas, religionis instaurationem: proque tyrannide, quam alioqui inuisam esse nouit, introducere conatur *ἀνομιαν* quandam: quæ sublato omnium Ecclesiasticæ, tum etiã politicæ disciplinæ usu, immedicabilẽ ad extremum rerum omnium confusionem pariat. Hæ sunt, inquam, Satanae artes, quibus regni Christi instaurationem, legitimumque illius progressum impedire, pro summa uirili sua, conatur. At uero nos edocti sumus, Deum esse ordinis, non autem confusionis Deum. Ac proinde, quemadmodum papismum eo potissimum nomine accusamus, quod institutum à Christo Domino, obseruatumque ab Apostolis, ac nobis omnibus commendatum Ecclesiastici totius ministerij ordinẽ, inducto nouo quodam sacerdotij sui Christo Domino aduersarij genere, usurpataque demum tyrannide sua, suppressere conatus sit: ita & istos impunitatis patronos haudquaquam in Christi Ecclesia audendos esse putamus, eo quod præposterẽ liber-

libertatis suæ patrociniõ, institutũ etiam à Christo Domino, obseruatumque ac nobis commendatum ab Apostolis, totius Ecclesiastici regiminis neruũ, legitimũ inquam & Ecclesiasticę & politicæ disciplinæ usum abolere conantur: cum non aliõ doctrina istorum spectare uideatur, quam ad inauditã prorsusque horribilem rerum omnium perturbationẽ ac confusionem. Nihil igitur uos à studio ac progressu instaurationis istic uerę religionis remorari debent, quæ uel à Papismi, uel etiam à præposteræ illius libertatis propugnatoribus, proferuntur. Est quidẽ aliquid, sed non est satis, Papismum sustulisse: neque enim satis est purgasse domũ, ut inquit Christus Dominus, alioqui exactus semel cacodæmõ, collectis secum alijs multo sceleratoribus, in domum re purgatam reuertitur, si uacuum uideat: & fiant posteriora, prioribus, multo deteriora. Quare id quidem uobis præstantum est omnino, sub hisce iam præsertim regni istic Christi in doctrina ipsius initijs: ut Papismum uniuersum à uobis propel-

propellatis (nulla est enim societas Christi cum Antichristo) si extremam à uobis calamitatem, & à patria tota depellere uelitis. Sed satis non sit uobis, Papismum propulisse: satis non sit, inquam, domum repurgasse: uerum in hoc incubite etiam, ne illam, ubi repurgata fuerit, uacuum relinquatis: hoc est, ne post abiectam Papismi superstitionem, idololatricam ac tyrannidem, in restituendo protinus uero rursus ac puro omnino cultu Dei publico, iuxta doctrinam atque obseruationem Apostolicam, instaurandoque legitimo Ecclesiarum in primis negligentes sitis. Hanc enim domus suæ custodiam Dominus ipsemet constituit, quæ exactum semel cacodæmonem, à reditu deinceps arceat: & demum illam purgatam, uacuum non esse testetur. Hoc igitur uobis agendum est (amplissimi Proceres) & ad eam rem libellum hunc nostrum, quem uobis mitto, non inutile fore puto. Cogitate autem tempus hoc uestræ istic uisitationis, summa uobis in solidum omnibus cura obseruandum esse,

se, post auditum istic iam (adeo insigniter præsertim) tubæ Euangelicæ clangorem. Neque hic alter in alterum aut onus aut culpam reiciat: cuiusque uestrum enim præstandum est hic, pro summa uirili, uestræ uocationis officium. Ignorantiã prætexere amplius sanè non potestis, quæ quidem uos in Dei iudicio olim ullo modo excuset. Audistis rationem ipsam diuini aduersus omnem ingratitude iudicij: nempe, nunquam immitti publicam ullam genti alicui calamitatem, nisi post publicam aliquam pacti diuini uiolationem, ac publicam item eius ipsius uiolationis reprehensionem. Sed nunquam non immitti etiam, & quidem repente, si uiolationis illius reprehensiones, atque ad resipiscentiam admonitiones publicæ, uel contemnantur prorsus ac reiciantur, uel negligenter etiam aut hypocritice recipiantur. Audistis item seueritatis diuinæ magnitudinem, aduersus Reges ac regna, si in clarescente regno Christi Domini in doctrina sui Euangelij, suum officium non faciant: nempe, accensam

accēsam iri protinus furoris diuini uehementiā: haud aliter quā exortum ali-  
quod inopinatò ac repentè incendium,  
obuia quæq; sine discrimine ullo depa-  
scens atq; absumens. Audistis præterea,  
quæ sint & Regij, & uestri simul, hac in  
parte, officij partes: nempe, ut abiectis  
prudentiæ mundi huius cōsilijs, quibus  
alioqui quæ ad regni Christi illustratio-  
nem pertinet, inuisa sunt ferè suspectaq;  
omnia, aliud quoddā sapientiæ diuinæ  
genus amplectamini: uosq; primū de  
uoluntate Dei, ex uerbo ipsius, institui,  
pro captu uestro, erudiriq; patiamini.  
Deinde, seruiēdi illi, in omnib. eius præ-  
ceptis, studiū, cum animi alacritate atq;  
obseruantia cōiunctum, intra uos ipsos  
in animis uestris concipiatis, sine ullo ul-  
lorum etiam hominum respectu. Postre-  
mò, ut uestrum hoc tale seruiendi illi stu-  
dium, nō tantum in corde uestro alatis,  
sed publicis etiam uocationis uestræ of-  
ficijs contestemini: hoc est, publica ue-  
stra, de inclarescente doctrinæ suæ luce,  
gratulatione atq; alacri erga illam obser-  
uantia.

uantia. Hæc inquam audistis omnia, atq;  
ea non aliunde quā ex ipsis scripturæ  
sanctæ fontibus producta. Ad extremū  
uerò audistis, quā nihili sūt ea omnia,  
quæ & à Papismi, & ab impunis illius li-  
cētiæ quiduis docēdi agēdiq; propugna-  
toribus ac patronis, aduersus regni Chri-  
sti progressus adiuuandos, promouen-  
dosq; adferuntur. Hoc restat igitur, ut  
quæ audiuiistis, animis etiam uestris im-  
primatis: & quæ uestri esse officij intelle-  
xistis, ea alacriter & certa in Deum fidu-  
cia, cum serua opus suæ diuinæ implora-  
tione, exequamini & præstetis. Scio bo-  
nam ordinis uestri partem ab Aposto-  
lis quibusdā occupari, qui interim pro  
Episcopis haberi uolūt. Sed & inter eos  
spero esse, q; lucriferi possint: præsertim  
si uideant, non tam sui odio, quā pro-  
mouendæ potius Christi gloriæ studio  
omnia geri. Ego enim etsi ab usum no-  
minis in illis improbo, ac nihil minus  
q; Episcopos esse statuo: homines tamē  
ipsum, mihi præsertim incognitos, adeò  
non odi, ut me eis cuperem prodesse pos-

se, pro tenuitate mea, quatenus sane scientes ac uolentes regno Christi Domini nō resisterēt: si quo modo & ipsi in uiam reuocari queant. Ita & à uobis rationem illorum, citra Christi interim contumeliam, haberi optarim: quatenus sanè non dant adhuc ullam manifestam obstinationis suæ significationem. Qui uerò præfracto destinatoq; consilio cæci cæcorū duces esse pergunt, de ijs aliud non dicam, quam quod Christus Dominus de ipsorum maioribus dixit: Sinite illos, uosq; ab illis (iuxta Esaiæ & Pauli doctrinam) in omnibus uestris, de religione potissimum, cōsilijs, omnino separetis: ne uos pœnarum, quæ illos manent, participes uosmetipsi faciatis. Deus opt. max. respiciat uos omnes, totaq; adeo nostram patriam, oculis suæ diuinæ misericordiæ, propter unicè dilectum Filium suum: qui non minus pro nostra gente, quam pro alijs, sanguinem suū innocentissimum fundere non dubitat: it. Largiaturq; uobis S. sanctum suum in uestris consilijs, ut sub tam conspicua patriæ

triæ nostræ uisitatione, quæ ad salutare illam in Christo Domino pacem faciūt, statuere inter uos, per eius gratiam possitis: ne quo modo fiat demū, ut quæ ullo modo ad eam ipsam pacē omnino pertinet, & à uestris ipsorū, & à totius patriæ oculis (quod absit) iusto Dei iudicio abscondantur. Auertat hoc malū à uobis Dominus, pro sua bonitate ac misericordia: cui uos & totam patriam supplex commendo. Et quæ pro mea in uos & patriam nostram fide atque obseruantia liberè ac cōfidenter scribo, boni consulite, oro. Quod si qua in re operā præterea uobis meam usui esse posse intelligatis: ea uobis pro mea tenuitate, & plus satis alioqui iam afflictā ualeitudine, nūquam est defutura. Dominus uos seruet, regat, & fortunet: Amen.

Francforti, ult. Decemb.

Anno 1555.

*MAGNIFICI AC GENE-  
ROSI VIRI, DOMINI, FACTORES,  
ac fratres in Domino obseruandis. Gratiã, pacem, ac salutaris  
consilij spiritum uobis simul in coetu uestro omnib. & cuiq; ue  
strum supplex precor à Deo patre nostro cœlesti: ut quod diui  
no istic beneficio, uestri potissimũ ordinis auspicijs, agi cœptum  
esse audio. in promouenda doctrina Euangelij Christi, id maio  
res etiam indices suos progressus (uestra opera) habere possit, ad  
laudem ac gloriam adorandi nominis diuini, & perpe  
tuum ordinis istic uestri ornamen  
tum. Amen.*



**R**o mea in communem nobis  
patriam fide atq; obseruãtia,  
pro animi itẽ mei gaudio pla  
nẽ incredibili, facere non po  
tui (Domini, fautores, ac fratres mei ob  
seruãdis.) quin ad uos, etsi mihi fortẽ ma  
xima ex parte ignotos, confidenter tamẽ  
atq; etiam liberẽ scriberem: collatãq; in  
uestrũ ordinem à Domino, supra alios  
omnes, eam gratiã, uobis & toti nostræ  
patriæ, maiorem sanẽ in modum gratu  
larer: quòd uestrum istic potissimum or  
dinem elegerit, per quem, pressum hactẽ  
nus Antichristiana Papæ Romani, cor  
nutarumq; eius creaturarum tyrãnide,  
unigeniti filij sui Domini nostri **I E S V  
C H R I**

**C H R I S T I** regnum, in doctrina Euan  
gelij ipsius, denuò pmoueri, atq; à plus  
quàm Cimmerijs Papismi tenebris uin  
dicari uelit. Est sanẽ hoc peculiare Dei  
opus, summaq; nõ gratulatione modo,  
sed etiam admiratione, ac proinde æter  
na quoq; memoria dignum: quòd præ  
termiſſis alijs, qui maiore istic loco atq;  
auctoritate habentur, sublataq; adeò o  
mni uera ab illis sapientia, qui sibi ipsam  
sapiẽtiæ cathedram arrogare conantur,  
uestrum potissimũ ordinem respexerit  
Deus: inq; uestro ordine eos excitarit,  
per quos pudefaciat tandem sapientum  
illorum quantum uis turgens superciliũ,  
ac sceptrum illud sacrosanctũ regni sui,  
in uerbi sui diuini doctrina, attollat ad  
uersus Pharisaicos nostri temporis scri  
bas, ac sacerdotum Baaliticorum princi  
pes. Est, inquam, hoc peculiare prorsus  
istic nunc Dei opus, summaq; apud uos  
gratulatione dignum: sed in quo Deus  
à uestro uicissim ordine, hoc maiorem  
erga se gratitudinẽ, hocq; maius uestrũ  
in rectẽ prosequendo eo ipso opere suo,  
studium,

studiū, et maiorē præterea fidem ac circū  
 spectionem proculdubio requirat, quo  
 maius atq; excellentius hoc ipsius in uo-  
 bis opus esse cōstat. Quare ut uestro or-  
 dini, uobisq; in illo omnib. nō possū nō  
 supra modū, et quidē uerē atq; ex animo  
 gratulari, diuini huius operis in uobis  
 nomine; ita uehemēter opto etiam, ut et  
 uos in prosequēdo eo ipso Dei in uobis  
 opere, nō equidē negligēter (totū nanq;  
 cor in suū obsequiū deposcit Dñs) neq;  
 itē præcipitāter & confusaneē (ordine e-  
 nim ac decenter oportet institui omnia)  
 sed fideliter ac prudēter progrediamini.  
 Fidē nāq; & prudentiā ante omnia Do-  
 minus in omnib. suis ministris requirit;  
 ut ne quid sibi omnino sumāt, præter ma-  
 nifestum diuinę uolūtatis suę, in uerbo  
 ipsius, testimoniū; & in eorum ipsorum  
 ministerio ac dispensatione, prudētiam  
 ac circumspectionem adhibeant: ut ad g-  
 dificationem; non autē ad confusionem  
 omnia fiāt. Fideliter igitur uos progre-  
 di opto, in cœpta per uos instaurandę  
 religionis istic causa: ne manu aratro ad-

mota,

mota, post tergum rursus, siue amore, si-  
 ue odio cuiusquam, siue item spe ullius  
 boni, siue malorū metu, respiciatis: me-  
 mores alioqui uxoris Loth, cui exitia-  
 le fuit retrospexisse: cum aliò iter suum,  
 ex mandato Domini, cum marito suo  
 instituisset. Sed opto uos prudenter e-  
 tiam progredi, ne dum Scyllam uitare  
 conamini, in Charybdin, ut est in pro-  
 uerbio, fortē delabamini: quod absit.  
 Neq; uerò mundi hic prudentiam in uo-  
 bis requiro: quæ fidem alioqui nostram  
 in ministerio, aut uocat in dubium, aut  
 certē maxima ex parte remoratur. hanc  
 sibi habeāt sapientes illi: qui rationis sug-  
 cōsilijs disquirūt, Deo ne magis, an uerò  
 hominib. debeāt obedire. Sed illud pru-  
 dentię genus uobis à Dño precor, quod  
 Christus ipsemet Dñs, fidelitati in mini-  
 sterio adiungit: nēpe ut, cum certi simus,  
 Deo magis q̄ hominib. obediendū esse,  
 ita inobediētā nobis omnē uitandā esse  
 intelligamus, ne dū ab una parte nos in  
 uiam rediisse putamus, ab altera rursus  
 parte à uia recta deflectamus: hoc est,

g 4

ne dum

ne dum Papismi impietatem excutere conamur, alijs rursum sectis, ipsiq; adeo Atheismo uiam imprudentes aperiamus. Equidem non dormit Satan, dum regno suo periculum imminere uidet. Et licet nonnunquam ferre id cogatur, ut domo sua exactus, hac atq; illac extorris uagetur, domumq; illam ex qua est eiectus, ab alijs repurgari (quãquã inuitus) ferat: nõ tamen cessat postquam exactus est, sed nouum sibi sodalitium multo etiam sceleratius adsciscit, cuius ope domum rursus illã repetit, si quo modo illam custodia legitima uacuum reperire queat: atq; illuc reuersus, postrema prioribus multo deteriora facit. Hac igitur in parte ego, si delitati uestræ, prudentiam quoq; à Christo Domino laudatam, adiunctã esse cupio: nempe, ut in suscepta per uos causa instaurandæ istic ueræ religionis, & fideles uos, & prudentes Dei ministros esse declaretis. Fidei porrò uestre erit, ut modis omnibus Satanam istinc è domo Dei propelli omnino curetis, qui illam per Antichristianam Papæ Romani, rasiq;

sui

sui satelliti tyranidem hætenus illuc uioleter occupauit: omniq; eam illius superstitione atq; idololatria, in primis uerò blasphemo ipsius sacerdotio, repurgandam prorsus esse cogitetis: sic, ut nullum eius uestigium (si id ullo modo fieri queat) omnino relinquatur. Nulla enim conuentio Christo cum Belial, luci cū tenebris, cultui diuino cum idololatria ac superstitione. Hoc, inquam, uestre erit fidei. & ut nihil recipiatur, cuius fõtes in uerbo Dei (iuxta unanimum scripturæ cõsensum) demonstrari non queant. Prudentiæ autem uestre erit, repurgatæ ita iã domui Dei, fidelem ac legitimam custodiã protinus adhibendam curare: ne quo modo fiat, ut eiectus ille Satã, nõ quidẽ cū agnito iã Antichristo amplius, sed cū multo adhuc sceleratiore sodalitio illam recuperet, si quidem eam uacuum fortè, & sine fidelis custodia dolis suis expositam uideat. Atque spero equidem, uos & in fide, & in prudentia hac, uestro officio defuturos non esse per gratiam Dei: sed interim nõ inutile fore iudicaui apud uos, eam meã

admonitiunculam, ad quam etiam me alioqui rumor quidam istinc allatus induxit, quem etsi uanum ego, atq; ab aduersarijs confictū puto: tamen posteaquam spargitur, de illo uos mihi commonefaciendos esse putauit: ut quemadmodum uos, & qui uobiscum sentiūt, sedulo semper cauisse non dubito, ne cuiusquam offendiculi iustam aliquam occasionē præberetis, circa religionis instaurationem ita hoc ipsum deinceps etiam hoc maiore attentione caueatis, utq; alijs item caueant, etiā atq; etiam studeatis, quo uos aduersariorum calumnijs magis esse obnoxios, & plures etiam aduersarios habere uideatis. Duo sunt autem quæ istinc sunt allata. Alterum, quod quisq; uiorum nobilium, ritus Ecclesiasticos apud se, pro suo arbitrio inuiguet: quæ quidē res ad confusionem magis, quàm ad instaurationem religionis spectare uideretur. Alterū, idq; etiam grauius, quod in cœnæ Dominicæ administratione, perinde atq; in symposijs, bibatur. Iam posterius hoc, merā esse suspicor Papistarū calum-

calūniā: proinde nō est quod de eo multis agā. Ceterum de priore, etsi id quoq; aliter se habere credo, nō nihil dicā. Scio nihildū istinc de publicis Ecclesiarū ritibus constitutū esse. Ac proinde facile intelligo, oportere adhuc esse quandā rituum uarietatem, potissimum aut in Cœnæ ceremonia. Sed nō tam est noxia rituum, hac in parte, uarietas (modò quæ sunt præcipua nō uariant, aut profanentur) q̄ est noxia frequens uarietatis mutatio. Hæc enim apud rudiores totam ferè religionē, primum in dubitationē, deinde uerò etiā in contemptū uocare solet. Quæ enim crebro mutatur, ea sanè populus pro firmis ac solidis habere nō potest: atq; ita demum facile illa in dubiū uocat, moxq; etiā contemnit, id quod alioqui multis locis accidisse uidemus. Quare si quæ sit inducenda rituum mutatio, eiusmodi induci optare, quæ alias rursus mutationes nō amplius requirat: hoc est, ut Papistica quidem abominatio radicitus omnino tollatur, declarata impietate illius: in institutis uerò alijs, loco illius, ritibus ad primam



mæuā illam Apostolicæ Ecclesiæ purita-  
tē ac simplicitatē quā proximè cōtendat,  
quæ nullis deinceps alio qui correctiōib.  
eget. Quanquam autem magis est noxia  
frequens uarietatis mutatio, quàm ipsa  
rituum uarietas: tamen in uarietate quo-  
que est adhibenda moderatio, ne nimium  
magnam rituum dissimilitudinem indu-  
cat. Hæc enim in plebe & præiudicia faci-  
le gignit, dū alij alios præ se, rituum suorum  
nomine, cōtemnunt: & animos hominum  
ab inuicem ferè dissociat. Videndum igitur,  
quatenus sit alenda rituum uarietas: ne  
& hic nobis omnia licere putemus. Vari-  
etas porro quædam rituum hætenus dun-  
taxat utilis est in ecclesijs, ut libertatē illa-  
rum, aduersus Pharisaicam ceremoniarum  
seruitutem, tueatur: & doceat, nos exter-  
na huius aut illius ritus obseruatione nõ  
feri uel digniores, uel indigniores apud  
Deum, quemadmodum Augustinus lo-  
quitur. Iam uerò libertas Ecclesiæ nõ e-  
quidem in eo consistit, ut quisq; pro suo  
arbitrio instituat quæ uelit, & pro eo ac  
uelit in sua Ecclesia, nõ habita ulla aliarum  
Eccle-

Ecclesiarum ratione: sed ut nemo decre-  
tis humanis, salutis suæ periculo, ad cer-  
tos ritus illos adstringatur, etiãsi specio-  
sissimi esse uideantur. Aliud est autem,  
nõ adstringi ad aliquid: aliud uerò, licere  
quicquid libet. Etsi enim nullis humanis  
legib. ad ullas certas ceremonias adstrin-  
gi possimus: spectanda est interim Eccle-  
siarum edificatio, ad quam & Dei ipsius,  
& charitatis mutux lege adstricti ita sumus,  
ut nihil nobis licere putemus, quod  
illam aut impedire, aut remorari ullo mo-  
do possit. Quatenus igitur rituum magna  
dissimilitudine, & præiudicia gignuntur  
in plebe, & hominum animi ab inuicem  
ferè dissociantur, ad hæc & offendicula  
etiam aluntur: hætenus sanè ea rituum ua-  
rietas modis omnib. uitanda est, quæ ma-  
gnam dissimilitudinem in se habere uide-  
tur. Proinde hic eam moderationem ob-  
seruandam esse existimarem, ut nemo se-  
lus quicquam in suis instituat Ecclesijs,  
priuata authoritate sua: sed si qui in una  
aliqua prouincia de instauranda religio-  
ne consentiunt, hi ut ea de re unanimiter  
deli-

deliberent; & conuocatis suis ministris  
 prestantiorib. parcissimè & simplicissi-  
 mè aliquid instituant, tātisper obseruan-  
 dum, sine ullis cuiusquā preiudicijs, do-  
 nec publica autoritate totius regni, cer-  
 ta totius ministerij forma ordinetur. Ad  
 eam porrò rem, spero non fore inutilem  
 libellū nostrum, quem (eam potissimum  
 ob causam) Regiæ isthic maiestati & to-  
 ti patriæ dedicaui. Ac quemadmodum  
 illum suæ maiestati, atq; itē amplissimo  
 ipsius Senatui misi: ita uobis quoq; pro  
 mea in patriam nostram fide atq; obser-  
 uantia, literis hisce meis adiunctum, mit-  
 to. Et oro, ut meum hoc qualecunq; offi-  
 cium, meam item hanc apud uos in scri-  
 bendo libertatem, pro uestra pietate,  
 boni atq; æqui cōsulere uelitis. Quib. pa-  
 riter omnib. ac cuiq; singillatim, me of-  
 ficiosissimè cōmendo. Francfor-  
 ti, ultima Decemb. An-

no 1555.

Vestri pariter, ac singillatim omnium studiosis-  
 simus, Ioannes à Lasco.

BASILEAE, EX OFFICINA IOAN-  
 nis Oporini, Anno salutis humanæ M. D. LVI.  
 Mense Martio.





